

გაზეთი ბეჭდის, „ვერსიას“ ერთი

ვერსია



№23 (1664) 28 ივნისი – 4 ივლისი ოთხშაბათი 2023 წელი

1 ლარი

ყოველკვირეული საზოგადოებრივ-პოლიტიკური გაზეთი www.versia.ge

რა გზა გაიარა საქართველომ
ევროკავშირის
კანდიდატის სტატუსამდე



ქრთნოლოგია, რომელიც
ყველამ უნდა ვიცოდეთ

რთდის, სად გაიცნო პუტინი და როგორ გახდა პრიბოჟინი გავლენიანი ფიგურა



მზარეულობიდან სამხედრო ამბოხებამდე – უცნობი
ფაქტები კაციჭამია კრიმინალის ცხოვრებიდან



**უშიშროების
თანამშრომელმა ვებერანი
პედაგოგი მოკლა**
ტრაგედია, რომელმაც
გამომძიებელი დაშოკა

რა ქონებას ფლობენ გასული კვირის მთავარი მოვლენების
ფიგურანტები – სალომე ზურაბიშვილი და ნიკა გვარამია



პრეზიდენტის
სახლები თბილისსა
და პარიზში და
ტელეკომპანია
„მთავარის“
დამფუძნებლის
მოკრძალებული
დეკლარაცია

პოლიციამ თბილისსა და რეგიონებში უკანონო ცეცხლსასროლი იარაღები ამოიღო – დაკავებულია 12 პირი



შინაგან საქმეთა სამინისტროს თბილისის, ქვემო ქართლის, სამეგრელო-ზემო სვანეთის, გურიის, კახეთისა და ცენტრალური კრიმინალური პოლიციის დეპარტამენტების თანამშრომლებმა, ბოლო პერიოდში ჩატარებული ოპერატიულ-სამძებრო ღონისძიებებისა და საგამოძიებო მოქმედებების შედეგად, უკანონო იარაღები და საბრძოლო მასალა ამოიღეს – დაკავებულია 12 პირი.

დანაშაული 4-დან 7 წლამდე ვადით თავისუფლების აღკვეთას ითვალისწინებს.

ცენტრალური კრიმინალური პოლიციის დეპარტამენ-

ტის ორგანიზებულ დანაშაულთან ბრძოლის მთავარი სამმართველოს განსაკუთრებით მნიშვნელოვან საქმეთა სამმართველოს თანამშრომლებმა, წარსულში ნასამართლევნი, 1983 წელს დაბადებული ლ.რ. დააკავეს. პოლიციამ დაკავებულის პირადი და საცხოვრებელი სახლის ჩხრეკას – 2 პისტოლეტი, 2 მჭიდი, 21 ვაზნა და 8 მასრა ამოიღეს.

თბილისის პოლიციის დეპარტამენტის საგამოძიებო მთავარი სამმართველოსა და დეტექტივების (ოპერატიული) მთავარი სამმართველოს თანამშრომლებმა, ერთობლივად ჩატარებული ღონისძიებების შედეგად, ორი პირი – 1988 წელს დაბადებული ი.ჩ. და 1978 წელს დაბადებული, წარსულში ნასამართლევნი გ.ფ. დააკავეს.

სამართალდამცველებმა ბრალდებულების საცხოვრებელი სახლების ჩხრეკის შედეგად, მაკაროვისა და ნაგანის სისტემის პისტოლეტები, მჭიდი და 25 ვაზნა ნივთმტკიცებად ამოიღეს.

ქვემო ქართლის პოლიციის დეპარტამენტის რუსთავის საქალაქო სამმართველოს თანამშრომლების მიერ დაკავებული 1980 წელს დაბადებული ს.მ.-ს პირადი ჩხრეკისას, ამოღებულია ცეცხლსასროლი პისტოლეტი, მჭიდი და 7 ვაზნა.

კახეთის პოლიციის დეპარტამენტის საგამოძიებო სამმართველოს თანამშრომლებმა, 1986 წელს დაბადებული რ.ო. დააკავეს, რომლის საცხოვრებელი სახლისა და დამხმარე სათავსოების ჩხრეკისას, ცეცხლსასროლი პისტოლეტი და 5 ვაზნა ნივთმტკიცებად ამოიღეს.



გურიის პოლიციის დეპარტამენტის ლანჩხუთისა და ჩოხატაურის რაიონული სამმართველოების თანამშრომლებმა კი, სხვადასხვა დროს ჩატარებული ოპერატიული ღონისძიებებისა და საგამოძიებო მოქმედებების შედეგად, სამი პირი დააკავეს: 1978 წელს დაბადებული მ.წ.-ს საცხოვრებელი სახლის ჩხრეკისას, სამართალდამცველებმა ნივთმტკიცებად ამოიღეს მაკაროვის სისტემის იარაღი, მჭიდი და ხუთი ვაზნა, 1989 წელს დაბადებული, წარსულში არაერთგზის ნასამართლევნი დ.ი.-ს პირადი და ავტომატის ჩხრეკისას, პოლიციამ ამოიღო ნარკოტიკული საშუალება, გადაჭრილი სანადირო თოფი ე.წ. „აბრეზი“ და ვაზნები, ხოლო 1969 წელს დაბადებული წარსულში ნასამართლევნი მ.კ.-ს საცხოვრებელი სახლის ჩხრეკის შედეგად ამოღებულია 110 ვაზნა, პისტოლეტი და მჭიდი.

სამეგრელო-ზემო სვანეთის პოლიციის დეპარტამენტის დეტექტივების (ოპერატიული) და საგამოძიებო სამმართველოების, ასევე წალენჯიხის, მარტვილისა და ზუგდიდის რაიონული სამმართველოების თანამშრომლებმა, სხვადასხვა დროს ჩატარებული ოპერატიული ღონისძიებებისა და საგამოძიებო მოქმედებების შედეგად, ოთხი პირი – 1984 წელს დაბადებული მ.ბ., 1958 წელს დაბადებულ გ.ფ., 1964 წელს დაბადებული დ.ბ. და 1984 წელს დაბადებულ გ.ბ. დააკავეს. სამართალდამცველებმა ბრალდებულების პირადი და საცხოვრებელი სახლების ჩხრეკის შედეგად, „ნაგანის“ ტიპის 2 ცეცხლსასროლი იარაღი, 4 პისტოლეტი, 6 მჭიდი და 29 ვაზნა ნივთმტკიცებად ამოიღეს.

ცეცხლსასროლი იარაღისა და საბრძოლო მასალის უკანონო შექმნა-შენახვა-ტარების და ნარკოტიკული საშუალების უკანონო შექმნა-შენახვის ფაქტებზე, გამოძიება საქართველოს სისხლის სამართლის კოდექსის 236-ე მუხლის მე-3 და მე-4 ნაწილებით და სსკ-ის 273-ე მუხლით მიმდინარეობს.

შინაგან საქმეთა სამინისტროს მომსახურების სააგენტოს ირლანდიის პარლამენტის ჟვინა პალატის თავმჯდომარე ეწვია



საქართველოში ოფიციალური ვიზიტით მყოფი ირლანდიის პარლამენტის თავმჯდომარე შონ ო ფარელი, დელეგაციასთან ერთად, შინაგან საქმეთა სამინისტროს მომსახურების სააგენტოს ეწვია.

მომსახურების სააგენტოში სტუმრებს საქართველოს შინაგან საქმეთა მინისტრის მოადგილე გიორგი ბუთხუზმა, მომსახურების სააგენტოს დირექტორმა ბესიკ ტეფნაძემ და სხვა ხელმძღვანელმა პირებმა უმასპინძლეს.

მხარეებმა საქართველოსა და ირლანდიას შორის მართვის მონომების ურთიერთალიარების შესახებ შეთანხმების გაფორმებასთან დაკავშირებული საკითხები განიხილეს და ორმხრივი ურთიერთობების გაღრმავებაზე ისაუბრეს. სტუმრებს დეტალური ინფორმაცია მიენოდათ ქართული მართვის მონომების კატეგორიებისა და მათი გაცემის წესის შესახებ.

ვიზიტის ფარგლებში, დელეგაციის წევრები ადგილ-

ზე გაეცნენ მომსახურების სააგენტოს მუშაობის სპეციფიკას, აგრეთვე იმ სერვისებს, რომლებსაც სააგენტო მოქალაქეებს სთავაზობს.

შეხვედრის დასასრულს მხარეებმა გამოხატეს მზაობა, აქტიურად გაგრძელდეს თანამშრომლობა სხვადასხვა მიმართულებით.

შინაგან საქმეთა მინისტრმა აშშ-ის ენერჯეტიკის დეპარტამენტის (DOE) ბირთვული უსაფრთხოების საკითხების მდივნის მოადგილესა და ბირთვული უსაფრთხოების ეროვნული ადმინისტრაციის ხელმძღვანელთან გახსობითი შეხვედრა გამართა



შინაგან საქმეთა მინისტრმა ვახტანგ გომელაურმა, აშშ-ის ენერჯეტიკის დეპარტამენტის (DOE) ბირთვული უსაფრთხოების საკითხების მდივნის მოადგილესა და ბირთვული უსაფრთხოების ეროვნული ადმინისტრაციის ხელმძღვანელთან, ჯილ ჰრუბისთან გახსობითი შეხვედრა გამართა.

შეხვედრის ფარგლებში, მხარეებმა განიხილეს შინაგან საქმეთა სამინისტროსა და აშშ-ის ენერჯეტიკის დეპარტამენტს შორის არსებული თანამშრომლობა, მიღწეული შედეგები, განსაზღვრეს სამომავლო გეგმები და პრიორიტეტული მიმართულებები. შეხვედრას ასევე ესწრებოდა ამერიკის შეერთებული შტატების ელჩი, კელი დეგნანი.

ვახტანგ გომელაურმა ხაზი გაუსვა ბირთვული უსაფრთხოების სფეროში ამერიკის შეერთებული შტატებისა და საქართველოს შინაგან საქმეთა სამინისტროს სტრატეგიული პარტნიორობის მნიშვნელობას.

შინაგან საქმეთა მინისტრმა აღნიშნა, რომ ბირთვული იარაღის გაუფრთხილებლობისა და რადიაციული უსაფრთხოების საკითხებში შესაძლებლობების გაძლიერება სამინისტროსთვის, როგორც ქიმიურ, ბიოლოგიურ, რადიაციულ და ბირთვულ (ქბრბ) საფრთხეებზე ძირითადი პასუხისმგებელი უწყებისთვის, ერთ-ერთ პრიორიტეტულ მიმართულებას წარმოადგენს.

მან ასევე ისაუბრა ქბრბ მასალების გამოვლენისა და საფრთხეებზე ეფექტური რეაგირების მიმართულებით საქართველოს საოკუპაციო ხაზთან მომუშავე დანაყოფების შესაძლებლობების განვითარების მნიშვნელობაზე.

თავის მხრივ, ჯილ ჰრუბიმ მზაობა გამოხატა, განაგრძოს შინაგან საქმეთა სამინისტროს მხარდაჭერა ბირთვული უსაფრთხოების სფეროში შესაძლებლობების გაძლიერების მიმართულებით, პროფესიული კვალიფიკაციის ამაღლებისა და სპეციალური ტექნიკური აღჭურვილობის კუთხით.

შეხვედრის დასასრულს, ვახტანგ გომელაურმა მადლობა გადაუხადა აშშ-ის ენერჯეტიკის დეპარტამენტს შინაგან საქმეთა სამინისტროს ინსტიტუციურ განვითარებაში შეტანილი წვლილისა და ნაყოფიერი თანამშრომლობისთვის.



რა ქონებას ფლობენ გასული კვირის მთავარი მოვლენების ფიგურანტები – სალომე ზურაბიშვილი და ნიკა გვარამია

მეზა რუხაძე

22 ივნისს, საქართველოს პრეზიდენტმა, სალომე ზურაბიშვილმა „მთავარი“ არხის დამფუძნებელი და ერთ-ერთი მენილე ნიკა გვარამია შეინყალა. როგორც მოსალოდნელი იყო, სალომე ზურაბიშვილის ამ გადაწყვეტილებას საზოგადოების არაერთგვაროვანი რეაქცია მოჰყვა. ნაწილს გულწრფელად გაუხარდა, ნაწილი აღშფოთებას ვერ მალავდა, ნაწილმა „მკითხაობა“ დაიწყო, მიმართა თუ არა გვარამიამ პრეზიდენტს შეწყალების თხოვნით – ეს იმიტომ, რომ როდესაც პატიმარი პრეზიდენტს შეწყალების თხოვნით მიმართავს, ნაწილობრივ დანაშაულს აღიარებს. სინამდვილეში, ყველაფერი გაცილებით მარტივად იყო – გვარამიას პრეზიდენტისთვის არ მიუმართავს, მაგრამ ქალბატონმა მთავარსარდალმა პრეზიდენტის დისკრედიტული უფლება გამოიყენა და პატიმარი შეინყალა... „ვერსია“ გასული კვირის მთავარი ფიგურანტების – სალომე ზურაბიშვილისა და ნიკა გვარამიას ქონებრივი დეკლარაციებით დაინტერესდა.

სალომე ზურაბიშვილის ბიოგრაფია

ვიდრე ქონებრივ დეკლარაციას გაგაცნობთ, თვალი საქართველოს პრეზიდენტის, სალომე ზურაბიშვილის ბიოგრაფიას გადავავლოთ. დაიბადა 1952 წლის 18 მარტს, საფრანგეთში, პარიზში. ფლობს ქართულ, ფრანგულ, ინგლისურ და იტალიურ ენებს.

რაც შეეხება განათლებას, 1969-1972 წლებში, სწავლობდა პოლიტიკურ მეცნიერებათა ინსტიტუტში, პარიზში.

ამის შემდეგ, სწავლა განაგრძო კოლუმბიის უნივერსიტეტში, საერთაშორისო და საზოგადოებრივ საქმეთა სკოლაში, ნიუ-იორკში, ამერიკის შეერთებულ შტატებში.

სალომე ზურაბიშვილის დიპლომატიური და პოლიტიკური კარიერა 1974-2004 წლებს მოიცავს. ამ პერიოდში, დიპლომატიურ საქმიანობას ეწეოდა საფრანგეთის საგარეო საქმეთა სამინისტროში (საელჩოები იტალიაში, ამერიკის შეერთებულ შტატებსა და ჩადში); საფრანგეთის წარმომადგენლობებში (გაერო, ნატო, დასავლეთ ევროპის კავშირი, ეუთო); მუშაობდა საფრანგეთის პრემიერ-მინისტრის აპარატის ეროვნული თავდაცვის გენერალურ სამდივნოში, საერთაშორისო და სტრატეგიულ საქმეთა დირექტორად; საფრანგეთის საგარეო საქმეთა სამინისტროში სტრატეგიულ ურთიერთობათა სამმართველოს უფროსად.

2003 წელს, მიენიჭა საფრანგეთის რესპუბლიკის საპატიო ლეგიონის ორდენის კავალერის წოდება;

2003 წელს, საფრანგეთის საგანგებო და სრულუფლებიანი ელჩია საქართველოში;

2004-2005 წლებში, საქართველოს საგარეო საქმეთა მინისტრი იყო. მინისტრის პოსტის დატოვების შემდეგ, 2006 წლის 11 მარტს, დააფუძნა პოლიტიკური პარტია „საქართველოს გზა“.

2006-2015 წლებში, პარიზის პოლიტიკურ მეცნიერებათა ინსტიტუტის ასოცირებული პროფესორი იყო, საერთაშორისო ურთიერთობების მიმართულებით;

2010 წლიდან 2015 წლის დეკემბრამდე, ხელმძღვანელობდა გაერთიანებული ერების

ორგანიზაციის უშიშროების საბჭოს ირანის სანქციების მონიტორინგის ჯგუფს.

2016 წელს, საქართველოს პარლამენტის დამოუკიდებელი დეპუტატია;

2018 წლის დეკემბრიდან, სალომე ზურაბიშვილი საქართველოს რიგით მეხუთე პრეზიდენტია.



პრეზიდენტის სახლები თბილისსა და პარიზში და ტელეკომპანია „მთავარის“ დამფუძნებლის მოკრძალებული დეკლარაცია

რა ქონებას ფლობს პრეზიდენტი

ბოლოს, ქონებრივი დეკლარაცია პრეზიდენტმა 2023 წლის 26 იანვარს შეავსო. დეკლარაციის მიხედვით ირკვევა, რომ ქალბატონი პრეზიდენტის საკუთრებაშია 2006 წელს, 160 000 აშშ დოლარად შეძენილი 126.33 კვ.მ ფართობის სახლი თბილისში, კუფტინის ქუჩაზე და 235 კვ.მ. მიწის ნაკვეთი, იგივე მისამართზე.

გარდა ამისა, სალომე ზურაბიშვილი ფლობს 60 კვ.მ. ფართობის ბინას საფრანგეთში, პარიზში, რომლის ღირებულებაა 150 000 ევრო.

დეკლარაციის შევსების მომენტში, პრეზიდენტი ფლობდა: „საქართველოს ბანკის“ ანაბარზე – 30 000 აშშ დოლარს, სახელფასოზე – 11 694 ევროს, „სოსიეტე ჟენერალ პარის“ ბანკის ანგარიშზე – 27 621 ევროს. პრეზიდენტის წინა წლის შემოსავალი 76 560 ლარი იყო.

დეკლარაციიდან ირკვევა ყველაზე მნიშვნელოვანი დეტალი, რომლის მიხედვით, ქველმოქმედების სახით, „სალომე ზურაბიშვილის ფონდმა“ – 40 000 ლარი, ხოლო თავად პრეზიდენტმა – 17 130 ლარი გასცა.

რაც შეეხება დაგროვებით პენსიას, შემოსავლის სახით, სალომე ზურაბიშვილს 34 093 ევრო მიუღია.

ნიკა გვარამიას ბიოგრაფია

ის ქართველი იურისტი, პოლიტიკოსი და ბიზნესმენია. ყოველ შემთხვევაში, „ვიკიპედიაზე“ დაყრდნობით, ასეა. მოკლედ, ქართული „ვიკიპედიის“ დახმარებით, გავიხსენოთ ნიკა გვარამიას ბიოგრაფია, მაგრამ ჯერ ზოგად ინფორმაციას გავეცნოთ: 2007 წლის მარტში, ნიკა გვარამია დაინიშნა საქართველოს გენერალური პროკურორის მოადგილედ.

2008 წლის 31 იანვრიდან 2008 წლის 27 ოქტომბრამდე, იყო საქართველოს იუსტიციის მინისტრი. 2008 წლის 27 ოქტომბრიდან 2009 წლის 7 დეკემბრამდე, ნიკა გვარამია საქართველოს განათლებისა და მეცნიერების მინისტრი და ინტელექტუალების – „რა? სად? როდის?“ მოაზროვნეა. 2012 წლის 14 ნოემბერიდან 2019 წლის 18 ივლისამდე, სამაუწყებლო კომპანია „რუსთავი 2“-ის გენერალური დირექტორია და იმავედროულად, „მთავარი არხის“ დამფუძნებელი და მენილე გახლავთ. 2022 წელს, ნიკა გვარამიას 3 წლითა და 6 თვით პატიმრობა მიუსაჯეს, თუმცა მოგვიანებით, 2023 წლის 22 ივნისს, პრეზიდენტმა სალომე ზურაბიშვილმა იგი შეინყალა.

ნიკა გვარამია დაიბადა 1976 წლის 29 ივნისს ქალაქ სოხუმში. 1998 წელს, დაამთავრა თბილისის სახელმწიფო უნივერსიტეტის იურიდიული ფაკულტეტი. ამის შემდეგ, 2000-2003 წლებში, იგი საადვოკატო კომპანიაში – შპს „სანდო“ მუშაობდა. 2004 წელს, მუშაობდა სს „თელასში“. 2004-2007 წლებში იყო საქართველოს მე-6 მოწვევის პარლამენტის წევრი, პარტიული სიით, საარჩევნო ბლოკი:

„ნაციონალური მოძრაობა – დემოკრატები“. არჩეული იყო პარტიული სიით საქართველოს ეროვნულ ძალთა გაერთიანება – კონსერვატორების პარტიიდან. იყო საგარეო ურთიერთობათა კომიტეტის, იურიდიული საკითხთა კომიტეტისა და ტერიტორიული მთლიანობის აღდგენის საკითხთა დროებითი კომისიის წევრი და პარლამენტის საბაჟო ტერმინალ „ოპიზასთან“ დაკავშირებით საქართველოს პარლამენტის წევრების მიერ „საჯარო სამსახურში ინტერესთა შეუთავსებლობისა და კორუფციის შესახებ“ და „საქართველოს პარლამენტის წევრის სტატუსის შესახებ“ საქართველოს კანონების მოთხოვნათა დარღვევის საკითხის შემსწავლელი საქართველოს პარლამენტის დროებითი საგამომიებო კომისიის წევრი.

განათლებისა და მეცნიერების მინისტრის პოსტი ნიკა გვარამიამ საკუთარი ნებით დატოვა და ის დიმიტრი შაშკინმა ჩაანაცვლა.

რა ქონებას ფლობს გვარამია

უკანასკნელად, ქონებრივი დეკლარაცია ნიკა გვარამიამ, როგორც საქართველოს განათლებისა და მეცნიერების მინისტრმა, 2010 წლის 5 იანვარს შეავსო. მართალია, ახლა ძალიან ბევრი მითქმა-მოთქმა არსებობს გვარამიას ქონებასთან დაკავშირებით, მაგალითად, ტელეკომპანია „იმედის“ ინფორმაციით, „მთავარი“ არხის დამფუძნებლის საკუთრებაშია მიწის ნაკვეთი და სახლი ბეთანიაში და საკმაოდ მდიდარიც გახლავთ. თუმცა, 2010 წელს შევსებული დეკლარაციით, განათლებისა და მეცნიერების ექს-მინისტრი საკმაოდ მოკრძალებულად ცხოვრობდა.

ნიკა გვარამიას საკუთრებაშია საცხოვრებელი სახლი სოხუმში. მასვე ეკუთვნის ბინა თბილისში, რომელიც იმ დროისთვის, 12 4000 ლარად შეუფასებიათ. დეკლარაციის მიხედვით, ნიკა გვარამია არ ფლობს ფასიან ქალაქებს. დეკლარაციის შევსების დროს, ბანკი „რესპუბლიკას“ მიმდინარე ანგარიშზე 600 ლარი ერიცხებოდა. დეკლარაციის შევსების დროს, ნიკა გვარამიას არ ჰქონდა ხელთ ნაღდი ფული, რომელიც აღემატებოდა 4 000 ლარს. ნიკა გვარამიას ოჯახი არ მონაწილეობდა სამეწარმეო საქმიანობაში და შესაბამისად, არც ამ საქმიანობიდან მიუღია შემოსავალი.

ქონებრივი დეკლარაციის მიხედვით, ერთი საანგარიშო წლის განმავლობაში, ნიკა გვარამიას ხელფასი საქართველოს განათლებისა და მეცნიერების მინისტრის პოსტზე – 39 710 ლარი გახლდათ. დეკლარაციაშივე მითითებულია მეტად მნიშვნელოვანი ფაქტი – 2007 წელს, ნიკა გვარამიამ საკრედიტო ხელშეკრულება გააფორმა ბანკ „რესპუბლიკასთან“. ნიკა გვარამიას ოჯახს იმ დროისთვის არ ჰქონდა მიღებული ისეთი ძვირადღირებული საჩუქარი, რომლის საბაზრო ღირებულება აღემატებოდა 500 ლარს.

ერთი წლის წინ, ევროკომისიამ ევროკავშირის კანდიდატი ქვეყნის სტატუსი უკრაინასა და მოლდოვას მიანიჭა, საქართველომ კი ევროკავშირში განუერთებინა პერსპექტივა მიიღო. ევროკომისიის რეკომენდაციით, საქართველო წევრობის კანდიდატი გახდება, თუკი ამ 12-პუნქტიან გეგმას შეასრულებს:

1. აღმოფხვრის პოლიტიკურ პოლარიზაციას; 2. ყველა სახელმწიფო ინსტიტუტი გამართულად იმუშავებს. გაიზრდება მათი დამოუკიდებლობა, ანგარიშვალდებულება და დემოკრატიული ზედამხედველობა მათზე. ხელისუფლება გაითვალისწინებს ეუთო-ოდირის, ევროპის საბჭოსა და ვენეციის კომისიის დასკვნებს საარჩევნო სისტემაზე; 3. მიიღებს გამჭვირვალე და ეფექტიანი სასამართლო რეფორმის სტრატეგიასა და სამოქმედო გეგმას; 4. გააძლიერებს ანტიკორუფციული სააგენტოს დამოუკიდებლობას და ეფექტიანად გამოიძიებს ელიტური კორუფციის შემთხვევებს; 5. აიღებს და შეასრულებს „დეოლიგარქიზაციის“ ვალდებულებას; 6. გააძლიერებს ბრძოლას ორგანიზებულ დანაშაულთან და ეფექტიანად გამოიძიებს სამართალდარღვევებს; 7. შექმნის თავისუფალ, პროფესიონალურ, პლურალისტურ და დამოუკიდებელ მედიაგარემოს; 8. სასწრაფოდ დაიცავს მონყვლადი ჯგუფების უფლებებს; 9 „გააერთიანებს ძალისხმევას“ გენდერული თანასწორობისთვის და ქალთა წინააღმდეგ ძალადობასთან საბრძოლველად; 10. ჩართავს სამოქალაქო საზოგადოებას გადაწყვეტილებების მიღებაში, „ყველა დონეზე“; 11. მიიღებს კანონს, რომელიც უზიარებს ქართველ მოსამართლეებს, „პროაქტიულად გაითვალისწინონ საკუთარ მსჯელობებში ადამიანის უფლებათა ევროპული სასამართლოს შეფასებები“; 12. ახალ სახალხო დამცველად დანიშნება დამოუკიდებელი ადამიანი. დანიშნა იქნება გამჭვირვალე, მისი სამსახური – ზეგავლენებისგან თავისუფალი.

საქართველოს ხელისუფლებამ ევროკავშირისგან ამ რეკომენდაციების მიღებისთანავე წარადგინა გეგმა, თუ როგორ აპირებდა 12 პუნქტის შესრულებას და დღეს მმართველი ძალა ამტკიცებს, რომ აღნიშნული პუნქტების უმრავლესობა უკვე შესრულებული და საკანონმდებლო დონეზე მონერსივებულია. თუმცა, ოპოზიცია საქართველოს სტრატეგიულ პარტნიორებთან კომუნიკაციის საფუძველზე ითხოვს, რომ 12-პუნქტიან გეგმას ხელისუფლება არ ასრულებს.

აქვე ხაზგასასმელია, რომ ევროკავშირის კანდიდატი ქვეყნის სტატუსის მისაღებად ვადა იწურება და მაშინ, როცა საქართველოს ევროკავშირში კარის შესაღებად წამოიწყო ჩართული აქვს, „ვერსია“ გთავაზობთ დეტალურ ქრონოლოგიას, თუ რა გზა განვლო საქართველომ საბჭოთა კავშირიდან გამოსვლის შემდეგ 2023 წლამდე, ევროპულ ოჯახში გასაწევრიანებლად (გარდა 12-პუნქტიანი გეგმის შესრულებისა)...

საქართველო-ევროკავშირის ურთიერთობები 1991-92 წლებში, მას შემდეგ დაიწყო, რაც დაიშალა საბჭოთა კავშირი და საქართველო დამოუკიდებელ სახელმწიფოდ ჩამოყალიბდა.


საქართველო-ევროკავშირის ურთიერთობების მნიშვნელოვანი მოვლენების ქრონოლოგია (წყარო: საქართველოს საგარეო საქმეთა სამინისტრო):

1993 წლიდან, საქართველოში ევროკავშირის ეკონომიკური დახმარების სამი ძირითადი მიმართულება გამოიკვეთა: საფინანსო, ჰუმანიტარული (ძირითადად, სასურსათო დახმარების სახით) და ტექნიკური.

1995 წლიდან, საქართველო სარგებლობს ევროკავშირის სავაჭრო პრეფერენციათა განზოგადებული სისტემით (GSP). 2005 წელს, საქართველოს მიენიჭა ევროკავშირის პრეფერენციების განახლებული გენერალიზებული სისტემის (GSP+) შეღავათები მდგრადი განვითარებისა და ეფექტიანი მმართველობისათვის. 2014 წლის იანვარში, ძალაში შევიდა განახლებული GSP+, რომელიც საქართველოზეც გავრცელდა.

1996 წელს, ლუქსემბურგში, ევროკავშირისა და საქართველოს შორის, ხელი მოეწერა პარტნიორობისა და

რა გზა გაიარა საქართველომ ევროკავშირის კანდიდატის სტატუსამდე



ქრთოლოგია, რომელიც ყველამ უნდა ვიცოდეთ

თანამშრომლობის შესახებ შეთანხმებას (PCA). პარტნიორობისა და თანამშრომლობის შესახებ შეთანხმების (PCA) ძალაში შესვლის შემდეგ, შეიქმნა საქართველო-ევროკავშირის თანამშრომლობის ინსტიტუტები, რომელთა მიზანია PCA-ს განხორციელების ხელშეწყობა და ორმხრივი ურთიერთობებისა და პოლიტიკური დიალოგის გაღრმავება. ეს ინსტიტუტებია:

საქართველო-ევროკავშირის თანამშრომლობის საბჭო; საქართველო-ევროკავშირის თანამშრომლობის კომიტეტი; საქართველო-ევროკავშირის საპარლამენტო თანამშრომლობის კომიტეტი; საქართველო-ევროკავშირის თანამშრომლობის ქვეკომიტეტები.

აღნიშნული სხდომები იმართება წელიწადში ერთხელ, ასევე, მინიმუმ წელიწადში ერთხელ, იმართება შეხვედრა ევროკავშირის საბჭოს პოლიტიკისა და უსაფრთხოების კომიტეტის (PSC) „ტროიკას“ ფორმატით.

2003 წლის 7 ივლისს, ევროკავშირის საბჭომ მიიღო გადაწყვეტილება სამხრეთ კავკასიაში ევროკავშირის სპეციალური წარმომადგენლის დანიშვნის შესახებ (EU Special Representative for the South Caucasus). ეს თანამდებობა 2003 წლიდან 2006 წლამდე ეკავა ჰეიკი ტალვიტის, ხოლო 2006 წლიდან 2011 წლამდე – პიტერ სემნების. 2011 წლის 25 აგვისტოს, ევროკავშირის საბჭოს გადაწყვეტილებით, გაერთიანდა სამხრეთ კავკასიაში ევროკავშირის სპეციალური წარმომადგენლისა და საქართველოში კრიზისისთვის ევროკავშირის სპეციალური წარმომადგენლის თანამდებობები. ამ პოზიციაზე დაინიშნა ფილიპ ლეფორი, რომლის მანდატი 2014 წლის 31 იანვარს ამოიწურა. 2014 წლის 8 ივლისს, აღნიშნულ თანამდებობაზე ჰერბერტ ზალბერი დაინიშნა.

2004 წლის 17 თებერვალს, საქართველოს მთავრობაში შეიქმნა ევროპული და ევროატლანტიკურ სტრუქტურებში ინტეგრაციის სახელმწიფო მინისტრის თანამდებობა.

2004 წელს, ევროპული უსაფრთხოებისა და თავდაცვის პოლიტიკის (ESDP) ფარგლებში, საქართველოში განხორციელდა ევროკავშირის კანონის უზენაესობის მისია (EUJUST THEMIS).

2004 წლის 14 ივნისს, ევროკავშირის საბჭოს გადაწყვეტილების საფუძველზე, საქართველო ჩაერთო ევროპულ სამეზობლო პოლიტიკაში.

2006 წლის 14 ნოემბერს, მიღებული იქნა საქართველო-ევროკავშირის ევროპული სამეზობლო პოლიტიკის სამოქმედო გეგმა.

2007 წელს, TACIS ევროპული სამეზობლო და პარტნიორობის ინსტრუმენტმა (ENPI) ჩაანაცვლა, რომელიც, თავის მხრივ, 2014 წლიდან, ევროპულმა სამეზობლო ინსტრუმენტმა (ENI) შეცვალა.

2008 წლის 22 ოქტომბერს, ბრიუსელში, ევროკავშირისა და მსოფლიო ბანკის ორგანიზებით, გაიმართა დონორთა კონფერენცია, რომელზეც საქართველოსთვის გამოყოფილმა დახმარებამ 2008-2010 წლებისთვის, 4.5 მილიარდი დოლარი შეადგინა.

რუსეთ-საქართველოს 2008 წლის აგვისტოს ომის პასუხად, 2008 წლის 1 სექტემბერს, გაიმართა ევროპული საბჭოს საგანგებო სხდომა.

2008 წლის 15 სექტემბრის ევროკავშირის საბჭოს გადაწყვეტილებით შეიქმნა ევროკავშირის მონიტორინგის მისია (EUMM), რომელიც საქართველოში მოვლენილ იქნა 2008 წლის 1 ოქტომბრიდან.

2008 წლის 25 სექტემბრის ევროკავშირის საბჭოს გადაწყვეტილებით შეიქმნა საქართველოში კრიზისისთვის ევროკავშირის სპეციალური წარმომადგენლის პოსტი, რომელიც 2011 წლამდე ეკავა პიერ მორელის.

2009 წლის აპრილიდან, საქართველოსა და ევროკავშირის შორის არსებული პოლიტიკური დიალოგის ფარგლებში, შეიქმნა თანამშრომლობის ახალი ფორმატი – ადამიანის უფლებების დაცვის საკითხებზე დიალოგი (HRD). შეხვედრები აღნიშნული ფორმატის ფარგლებში, იმართება ყოველწლიურად.

2009 წლის 7 მაისს, პრაღაში, გაიმართა პირველი, „აღმოსავლეთ პარტნიორობის სამიტი“.

2009 წელს, საქართველო ჩაერთო „აღმოსავლეთ პარტნიორობის“ ინიციატივაში, რომელსაც ფორმალურად საფუძველი 2009 წლის 7 მაისს, პრაღის სამიტზე ჩაეყარა. საქართველო აქტიურად თანამშრომლობს ინიციატივის, როგორც ორმხრივი, ასევე, მრავალმხრივი ურთიერთობის ფორმატში. „აღმოსავლეთ პარტნიორობის“ მნიშვნელოვან კომპონენტს წარმოადგენს სამოქალაქო საზოგადოების ფორუმი.

2009 წლის 30 ნოემბერს, ბრიუსელში, ხელი მოეწერა „პარტნიორობა მობილურობისათვის“ ერთობლივ დეკლარაციას, ხოლო საქართველოსა და ევროკავშირის შორის თანამშრომლობა ოფიციალურად დაიწყო 2010 წლის 16 თებერვალს.

2010 წლის 17 ივნისს, ბრიუსელში ხელი მოეწერა „საქართველოსა და ევროკავშირის შორის ვიზების გაცემის პროცედურების გამარტივების შესახებ“ შეთანხმებას.

2010 წლის 15 ივლისს, დაიწყო მოლაპარაკებები

გავრცელება მე-7 გვერდზე

მე-6 გვერდიდან

საქართველოსა და ევროკავშირის შორის „ასოციაციის შეთანხმებაზე“ (AA), რომლის ნაწილიცაა „ღრმა და ყოვლისმომცველი თავისუფალი ვაჭრობის შესახებ შეთანხმება“ (DCFTA).

2010 წლის 22 ნოემბერს, ბრიუსელში ხელი მოეწერა „ევროკავშირსა და საქართველოს შორის უნებართვოდ მცხოვრებ პირთა რეადმისიის შესახებ“ შეთანხმებას. ორივე შეთანხმება ძალაში შევიდა 2011 წლის 1 მარტს.

2010 წლის 15 ივლისს, დაიწყო მოლაპარაკებები საქართველოსა და ევროკავშირის შორის „ასოციაციის შეთანხმებაზე“ (AA), რომლის ნაწილიცაა „ღრმა და ყოვლისმომცველი თავისუფალი ვაჭრობის შესახებ შეთანხმება“ (DCFTA).

2010 წლის 2 დეკემბერს, ბრიუსელში ხელი მოეწერა „საქართველოს და ევროკავშირსა და მის წევრ სახელმწიფოებს შორის ერთიანი საავიაციო სივრცის შესახებ“ შეთანხმებას.

2011 წლის 3 მაისს, ბრიუსელში გაიმართა საგანგებო სხდომა, რომელზეც ოფიციალურად დაფუძნდა „ევრო-ნესტის საპარლამენტო ასამბლეა“.

2011 წლის 14 ივლისს, ხელი მოეწერა და 2012 წლის 1 აპრილს ძალაში შევიდა საქართველო-ევროკავშირის შეთანხმება სოფლის მეურნეობისა და სხვა საკვები პროდუქტების გეოგრაფიული აღნიშვნების ურთიერთდაცვის შესახებ.

2011 წლის 29-30 სექტემბერს, ვარშავაში გაიმართა მეორე „აღმოსავლეთ პარტნიორობის სამიტი“.

2012 წლის 28 თებერვალს, ოფიციალურად გაიხსნა მოლაპარაკებები საქართველოსა და ევროკავშირის შორის ღრმა და ყოვლისმომცველ თავისუფალ ვაჭრობის სივრცეზე (DCFTA).

2012 წლის 4 ივნისს, გაიხსნა საქართველო-ევროკავშირის დიალოგი უვიზო მიმოსვლის შესახებ.

2012 წლის 5 ივნისს, კიბინოვოში გაიმართა „აღმოსავლეთ პარტნიორობის“ არაფორმალური დიალოგის პირველი, საინაუგურაციო შეხვედრა.

2013 წლის 12-13 თებერვალს, თბილისში გაიმართა „აღმოსავლეთ პარტნიორობის“ არაფორმალური დიალოგის მეორე შეხვედრა, რომელიც პირველად მოიცავდა სექტორული დიალოგის შეხვედრასაც ტრანსპორტის დარგში.

2013 წლის 25 თებერვალს, საქართველოს ოფიციალურად გადმოეცა სავიზო რეჟიმის ლიბერალიზაციის სამოქმედო გეგმა.

2013 წლის 27-28 ივნისს, თბილისში გაიმართა „აღმოსავლეთ პარტნიორობის“ პირველი მინისტრიალი კულტურის დარგში;

2013 წლის 30 სექტემბერი-1 ოქტომბერს, შედგა ევროკავშირის საბჭოს პოლიტიკური და უსაფრთხოების კომიტეტის წევრი ელჩების ვიზიტი საქართველოში.

2013 წლის 12-13 სექტემბერს, ერევანში გაიმართა „აღმოსავლეთ პარტნიორობის“ არაფორმალური დიალოგის მესამე შეხვედრა, რომელიც მოიცავდა საგარეო საქმეთა მინისტრთა სესიასა და სექტორულ დიალოგს განათლების საკითხებზე.

2013 წლის 28-29 ნოემბერს, ვილნიუსში გაიმართა „აღმოსავლეთ პარტნიორობის“ რიგით მესამე სამიტი.

ვილნიუსის სამიტის ფარგლებში, 29 ნოემბერს, მოხდა საქართველო-ევროკავშირის ასოციაციის შეთანხმების პარაფირება, ღრმა და ყოვლისმომცველი თავისუფალი ვაჭრობის კომპონენტის ჩათვლით (ქართულ ენაზე; ინგლისურ ენაზე). „საქართველოსა და ევროკავშირის შორის ასოციაციის შესახებ შეთანხმება“ ამბიციური და ინოვაციური, ე.წ. ახალი თაობის შეთანხმებაა, რამდენადაც, მანამდე გაფორმებული მსგავსი შეთანხმებებისგან განსხვავებით, მოიცავს ღრმა და ყოვლისმომცველი თავისუფალი ვაჭრობის სივრცის კომპონენტს (Deep and Comprehensive Free Trade Area – DCFTA) და ითვალისწინებს ევროკავშირთან დაახლოვების მნიშვნელოვან კონკრეტულ მექანიზმებს (იხილეთ გზამკვლევი). „აღმოსავლეთ პარტნიორობის“ ვილნიუსის სამიტზე მიღებულ იქნა ერთობლივი დეკლარაცია.

რა გზა გაიარა საქართველომ ევროკავშირის კანდიდატის სტატუსამდე



2013 წლის 29 ნოემბერს, „აღმოსავლეთ პარტნიორობის“ ვილნიუსის სამიტზე ხელი მოეწერა „ევროკავშირის ეგიდით მიმდინარე კრიზისის მართვის ოპერაციებში მონაწილეობის შესახებ ჩარჩო შეთანხმებას“.

2013 წლის 12 დეკემბერს, ხელი მოეწერა საქართველოსა და ევროკავშირის შორის პარტნიორობისა და თანამშრომლობის შესახებ შეთანხმების ოქმს საქართველოსა და ევროკავშირის შორის ჩარჩო ხელშეკრულების თაობაზე ევროკავშირის პროგრამებში საქართველოს მონაწილეობის ძირითადი პრინციპების შესახებ.

2014 წლის 20 თებერვალს, ოფიციალურად გაიხსნა მოლაპარაკებები საქართველოს ევროპის ენერჯეტიკულ გაერთიანებაში განვრვიანების თაობაზე.

2014 წლის 21 მაისს, ბრიუსელში, ევროკავშირთან პოლიტიკური დიალოგის გაღრმავების კუთხით, გაიმართა შეხვედრა ევროკომისიის კოლეგიასა და საქართველოს მთავრობას შორის, რომლის ფარგლებშიც მიღებულ იქნა ერთობლივი განცხადება.

2014 წლის 26 ივნისს, საქართველომ და ევროკავშირმა მიიღეს ასოციაციის დღის წესრიგი, რომლის მიზანია ასოციაციის შეთანხმების ეფექტიანი იმპლემენტაციის ხელშეწყობა და წარმოადგენს ასოციაციის შეთანხმებით აღებული ვალდებულებების პრიორიტეტული საკითხების სამწლიან (2014-2016) გეგმას.

2014 წლის 27 ივნისს ხელი მოეწერა საქართველო-ევროკავშირის ასოციაციის შეთანხმებას, ღრმა და ყოვლისმომცველი თავისუფალი ვაჭრობის სივრცის (DCFTA) ჩათვლით.

2014 წლის 9 სექტემბერს, ბაქოში გაიმართა „აღმოსავლეთ პარტნიორობის“ არაფორმალური დიალოგის მეოთხე შეხვედრა, რომელიც მოიცავდა სექტორული დიალოგის შეხვედრას ენერჯეტიკის საკითხებზე.

2014 წლის 17 ნოემბერს, ბრიუსელში გაიმართა საქართველო-ევროკავშირის ასოციაციის საბჭოს პირველი სხდომა. საბჭოს სხდომაზე მიღებული გადაწყვეტილებით ამოქმედდა ახალი ინსტიტუციური ჩარჩო – ასოციაციის საბჭო, ასოციაციის კომიტეტი და დარგობრივი ქვეკომიტეტები, რომელსაც საქართველო-ევროკავშირის ასოციაციის შეთანხმება ითვალისწინებს. სხდომაზე მიღებულ იქნა ერთობლივი პრეს-რელიზი.

2015 წლის 20 აპრილს, ლუქსემბურგში გაიმართა „აღმოსავლეთ პარტნიორობის“ საგარეო საქმეთა მინისტრთა რიგით მეექვსე შეხვედრა.

2015 წლის 21-22 მაისს, რიგაში გაიმართა „აღმოსავლეთ პარტნიორობის“ მეოთხე სამიტი. სამიტზე მიღებულ იქნა ერთობლივი დეკლარაცია.

2015 წლის 2 ივნისს, თბილისში, საქართველო-ევროკავშირის პოლიტიკური დიალოგის ფარგლებში,

გაიმართა საქართველო-ევროკავშირის ასოციაციის კომიტეტის პირველი სხდომა.

2015 წლის 29 ივნისს, მინსკში გაიმართა „აღმოსავლეთ პარტნიორობის“ არაფორმალური დიალოგის მეხუთე შეხვედრა, რომელიც მოიცავდა საგარეო საქმეთა მინისტრთა სესიასა და სექტორულ დიალოგს გარემოს დაცვის საკითხებზე.

2015 წლის 16 ნოემბერს, ბრიუსელში გაიმართა საქართველო-ევროკავშირის ასოციაციის საბჭოს რიგით მეორე შეხვედრა, რომლის დროსაც მიღებულ იქნა ერთობლივი პრეს-რელიზი.

2015 წლის 26 ნოემბერს, თბილისში გაიმართა „აღმოსავლეთ პარტნიორობის“ არაფორმალური დიალოგის რიგით მეექვსე შეხვედრა, რომელიც მოიცავდა საგარეო საქმეთა მინისტრთა სესიასა და სექტორულ დიალოგს ჯანდაცვის საკითხებზე.

2015 წლის 30 ნოემბერი-2 დეკემბერი, საქართველოში იმყოფებოდნენ ევროკავშირის საბჭოს აღმოსავლეთ ევროპისა და ცენტრალური აზიის ქვეყნების სამუშაო ჯგუფის (COEST) წარმომადგენლები.

2015 წლის 18 დეკემბერს, ევროკომისიამ საქართველოს მიერ სავიზო რეჟიმის ლიბერალიზაციის სამოქმედო გეგმის (VLAP) შესრულების რიგით მეოთხე, საბოლოო ანგარიში გამოაქვეყნა.

2016 წლის 9 მარტს, ევროკომისიის მიერ გამოქვეყნებული საბოლოო მეოთხე ანგარიშის საფუძველზე, ევროკომისიის მიერ ინიცირებულ იქნა საკანონმდებლო პროცედურები და ევროპარლამენტსა და ევროკავშირის საბჭოს ოფიციალურად წარუდგინა საკანონმდებლო წინადადება 539/2001 რეგულაციაში ცვლილების შეტანის შესახებ, რომელიც ითვალისწინებს საქართველოს მოქალაქეებისთვის შენგენის სივრცეში მოკლევადიანი უვიზო მიმოსვლის რეჟიმის შემოღებას.

2016 წლის 23 მაისს, ბრიუსელში გაიმართა „აღმოსავლეთ პარტნიორობის“ საგარეო საქმეთა მინისტრთა რიგით მეშვიდე შეხვედრა.

2016 წლის 23 მაისს, ევროკავშირის საგარეო საქმეთა საბჭოს გადაწყვეტილების საფუძველზე, ევროკავშირმა დაასრულა საქართველოსთან გაფორმებული ასოციაციის შეთანხმების რატიფიკაციისთვის საჭირო ყველა პროცედურა.

2016 წლის 16 ივნისს, ბრიუსელში, საქართველო-ევროკავშირის პოლიტიკური დიალოგის ფარგლებში, გაიმართა საქართველო-ევროკავშირის ასოციაციის კომიტეტის მეორე სხდომა.

2016 წლის 23 ივნისს, ბრიუსელში ხელი მოეწერა საქართველოსა და ევროკავშირის შორის საიდუმლო ინფორმაციის ურთიერთგაცვლის შესახებ შეთანხმებას.

დასასრული მე-8 გვერდზე

მე-7 გვერდიდან

2016 წლის 1 ივლისს, საქართველოსა და ევროკავშირის შორის ასოცირების შეთანხმება, ძალაში შევიდა.

2016 წლის 11-12 ივლისს, კიევში გაიმართა „აღმოსავლეთ პარტნიორობის“ არაფორმალური დიალოგის მეშვიდე შეხვედრა, რომელიც მოიცავდა საგარეო საქმეთა მინისტრთა სესიასა და სექტორულ დიალოგს მცირე და საშუალო ბიზნისის განვითარების საკითხზე.

2016 წლის 17 ნოემბერს, ერევანში გაიმართა „აღმოსავლეთ პარტნიორობის“ არაფორმალური დიალოგის მერვე შეხვედრა, რომელიც მოიცავდა საგარეო საქმეთა მინისტრთა სესიასა და სექტორულ დიალოგს კვლევის, მეცნიერების და ინოვაციის განვითარების საკითხებს.

2016 წლის, 2 დეკემბერს, ბრიუსელში გაიმართა ასოცირების საბჭოს რიგით მესამე სხდომა, რომლის დროსაც მიღებულ იქნა ერთობლივი პრეს-რელიზი.

2017 წლის 28 მარტს, საქართველოს მოქალაქეებისთვის ევროკავშირის/შენგენის ზონაში უვიზოდ მიმოსვლის რეჟიმი ამოქმედდა.

2017 წლის 19 ივნისს, ლუქსემბურგში გაიმართა „აღმოსავლეთ პარტნიორობის“ საგარეო საქმეთა მინისტრთა მერვე შეხვედრა.

2017 წლის 22 ივნისს, თბილისში, საქართველო-ევროკავშირის პოლიტიკური დიალოგის ფარგლებში გაიმართა საქართველო-ევროკავშირის ასოცირების კომიტეტის მესამე სხდომა.

2017 წლის 1 ივლისიდან, საქართველო ოფიციალურად გახდა ენეგეტიკული გაერთიანების სრულყოფილი წევრი (2016 წლის 14 ოქტომბერს, ხელი მოეწერა ენერგეტიკული გაერთიანების დამფუძნებელ ხელშეკრულებასთან საქართველოს მიერთების შესახებ ოქმს, რომელიც ძალაში შევიდა 2017 წლის ივლისს).

2017 წლის 10 ივლისს, კიშინიოვში გაიმართა „აღმოსავლეთ პარტნიორობის“ არაფორმალური დიალოგის მეცხრე შეხვედრა, რომელიც მოიცავდა საგარეო საქმეთა მინისტრთა სესიასა და სექტორულ დიალოგს ენერგეტიკის საკითხებზე.

2017 წლის 5-6 ოქტომბერს, შედგა ევროკავშირის საბჭოს პოლიტიკური და უსაფრთხოების კომიტეტის წევრი ელჩების ვიზიტი საქართველოში.

2017 წლის 11 ოქტომბერს, თბილისში გაიმართა საქართველო-ევროკავშირის უსაფრთხოების საკითხებზე მაღალი დონის სტრატეგიული დიალოგის პირველი შეხვედრა.

2017 წლის 20 ნოემბერს, საქართველომ და ევროკავშირმა ასოცირების განახლებული დღის წესრიგი 2017-2020 წლებისათვის დაამტკიცეს. ახალი დღის წესრიგი უფრო მეტად ამბიციურია და საქართველოს აძლევს საშუალებას, რომ 2020 წლამდე მაქსიმალურად დაუახლოვდეს ევროკავშირის სტანდარტებს და ნორმებს.

2017 წლის 24 ნოემბერს, ბრიუსელში გაიმართა „აღმოსავლეთ პარტნიორობის“ მეხუთე სამიტი. სამიტზე მიღებულ იქნა ერთობლივი დეკლარაცია.

2018 წლის 5 თებერვალს, ბრიუსელში გაიმართა საქართველო-ევროკავშირის ასოცირების საბჭოს მე-4 სხდომა. სხდომის ფარგლებში მიღებულ იქნა ერთობლივი პრეს-რელიზი.

2018 წლის 21-22 ივნისს, მინსკში გაიმართა „აღმოსავლეთ პარტნიორობის“ არაფორმალური დიალოგის მეათე შეხვედრა, რომელიც მოიცავდა საგარეო საქმეთა მინისტრთა სესიასა და სექტორულ დიალოგს ჰარმონიზაციისა და ციფრული ბაზრის საკითხებზე.


2018 წლის 26 ივნისს, ბრიუსელში, საქართველო-ევროკავშირის პოლიტიკური დიალოგის ფარგლებში, გაიმართა საქართველო-ევროკავშირის ასოცირების კომიტეტის მეოთხე სხდომა.

2018 წლის 15 ოქტომბერს, ლუქსემბურგში გაიმართა „აღმოსავლეთ პარტნიორობის“ საგარეო საქმეთა მინისტრთა მეცხრე შეხვედრა.

2018 წლის 23 ოქტომბერს, ბრიუსელში გაიმართა საქართველო-ევროკავშირის უსაფრთხოების საკითხებზე მაღალი დონის სტრატეგიული დიალოგის მეორე შეხვედრა.

2018 წლის 21 ნოემბერს, ქ. ბრიუსელში გაიმართა

რა გზა გაიარა საქართველომ ევროკავშირის კანდიდატის სტატუსამდე



ევროკომისიასა და საქართველოს მთავრობას შორის მაღალი დონის პირველი შეხვედრა.

2018 წლის 10-12 დეკემბერს, თბილისში გაიმართა „აღმოსავლეთ პარტნიორობის“ სამოქალაქო საზოგადოების ფორუმის მეათე ყოველწლიური ასამბლეა.

2019 წლის 5 მარტს, ბრიუსელში გაიმართა საქართველო-ევროკავშირის ასოცირების საბჭოს მე-5 სხდომა. სხდომის შემდგომ, მიღებულ იქნა ერთობლივი პრეს-რელიზი.

2019 წლის 18 ივნისს, თბილისში გაიმართა საქართველო-ევროკავშირის ასოცირების კომიტეტის მეხუთე სხდომა.

2019 წლის 11-12 ივლისს, ბათუმში გაიმართა ბათუმის ტრადიციული მე-16 საერთაშორისო კონფერენცია „საქართველოს ევროპული გზა“, რომელიც მიეძღვნა აღმოსავლეთ პარტნიორობის ათი წლისთავს.

2019 წლის 25 ოქტომბერს, თბილისში გაიმართა საქართველო-ევროკავშირის უსაფრთხოების საკითხებზე მაღალი დონის სტრატეგიული დიალოგის მესამე შეხვედრა.

2020 წლის 11 ივნისს, ვიდეო-კონფერენციის ფორმატში გაიმართა „აღმოსავლეთ პარტნიორობის“ საგარეო საქმეთა მინისტრთა მეათე შეხვედრა.

2020 წლის 18 ივნისს, ვიდეო-კონფერენციის ფორმატში გაიმართა „აღმოსავლეთ პარტნიორობის“ ლიდერთა შეხვედრა.

2020 წლის 2 აგვისტოს, ძალაში შევიდა „საქართველოს და ევროკავშირისა და მის წევრ სახელმწიფოებს შორის ერთიანი საავიაციო სივრცის შესახებ“ შეთანხმება.

2020 წლის 15 დეკემბერს, ვიდეო-კონფერენციის ფორმატში გაიმართა საქართველო-ევროკავშირის ასოცირების კომიტეტის მეექვსე სხდომა.

2021 წლის 16 მარტს, ბრიუსელში გაიმართა საქართველო-ევროკავშირის ასოცირების საბჭოს მეექვსე სხდომა. სხდომის შემდგომ მიღებული იქნა ერთობლივი პრეს-რელიზი.

2021 წლის 17 მაისს, კიევში, საქართველოს ვიცე-პრემიერმა, საგარეო საქმეთა მინისტრმა დავით ზალკალიანმა, უკრაინის საგარეო საქმეთა მინისტრმა დმიტრო კულებამ, მოლდოვას რესპუბლიკის საგარეო საქმეთა მინისტრმა აურელიუ კიკომ ხელი მოაწერეს ევროკავშირის სამი ასოცირებული ქვეყნის – საქართველოს, უკრაინისა და მოლდოვას საგარეო საქმეთა მინისტრთა შორის ურთიერთგაგების მემორანდუმს, „ასოცირებული ტრიოს“ დაფუძნების თაობაზე.

2021 წლის 19 ივლისს, ბათუმში გაიმართა ბათუმის ტრადიციული მე-17 საერთაშორისო კონფერენცია

„საქართველოს ევროპული გზა“ ჰიბრიდულ ფორმატში.

2021 წლის 19 ივლისს, ბათუმში, ბათუმის საერთაშორისო კონფერენციის ფარგლებში, საქართველომ უმასპინძლა ასოცირებული სამეულისა და ევროპის საბჭოს პრეზიდენტის ლიდერთა შეხვედრას, რომლის ფარგლებშიც „ასოცირებული ტრიოს“ ლიდერებმა ხელი მოაწერეს ერთობლივ დეკლარაციას.

2021 წლის 15 ნოემბერს, ბრიუსელში გაიმართა „აღმოსავლეთ პარტნიორობის“ საგარეო საქმეთა მინისტრების შეხვედრა.

2021 წლის 25 ნოემბერს, ბრიუსელში გაიმართა საქართველოსა და ევროკავშირის შორის უსაფრთხოების საკითხებზე მაღალი დონის სტრატეგიული დიალოგის მეოთხე შეხვედრა.

2021 წლის 15 დეკემბერს, ბრიუსელში გაიმართა „აღმოსავლეთ პარტნიორობის“ მეექვსე სამიტი. სამიტზე მიღებულ იქნა ერთობლივი დეკლარაცია.

2021 წლის 15 დეკემბერს, ბრიუსელში აღმოსავლეთ პარტნიორობის მე-6 სამიტის შემდეგ ასოცირებული ტრიოს – საქართველოს, მოლდოვას რესპუბლიკის და უკრაინის სახელმწიფო/მთავრობის მეთაურებმა გააკეთეს ერთობლივი განცხადება.

2022 წლის 3 მარტს, საქართველომ განაცხადი შეიტანა ევროკავშირში განწევრიანების შესახებ.

2022 წლის 24-25 მარტს, თბილისში, საქართველო-ევროკავშირის ასოცირების კომიტეტის რიგით მე-7 სხდომა გაიმართა.

2022 წლის 23 ივნისს, ევროპული საბჭოს გადაწყვეტილებით, საქართველოს ევროპული პერსპექტივა მიენიჭა.

2022 წლის 6 სექტემბერს, ბრიუსელში გაიმართა საქართველო-ევროკავშირის ასოცირების საბჭოს მე-6 სხდომა. სხდომის შემდგომ მიღებულ იქნა ერთობლივი პრეს-რელიზი.

2022 წლის 26-30 სექტემბერს, საქართველოში იმყოფებოდნენ ევროკავშირის საბჭოს აღმოსავლეთ ევროპისა და ცენტრალური აზიის ქვეყნების სამუშაო ჯგუფის (COEST) წარმომადგენლები.

2022 წლის, 15 ნოემბერს, საქართველოს, მოლდოვასა და უკრაინას ტრანსპორტის გაერთიანებაში (TCT) დამკვირვებლის სტატუსი მიენიჭა.

2022 წლის 12 დეკემბერს, ბრიუსელში გაიმართა „აღმოსავლეთ პარტნიორობის“ საგარეო საქმეთა მინისტრთა შეხვედრა.

2022 წლის 25 დეკემბერს, თბილისში გაიმართა საქართველოსა და ევროკავშირის შორის უსაფრთხოების საკითხებზე მაღალი დონის სტრატეგიული დიალოგის მეხუთე შეხვედრა.

მულტიფილმი „სიზმარა“, ალბათ, ყველას ნანახი გაქვთ და მეფის ფრაზა, რომელსაც „სულ ვირთხები და ვირთხები ესიზმრება“, ნახატ ფილმში ხშირად ისმის. შესაძლოაა, ბევრმა არ იცის, მაგრამ ის, რასაც ჩვენ ვირთხას ვეძახით, რეალურად ვირთაგვაა და მსოფლიოს ნებისმიერ წერტილში ფართოდაა გავრცელებული. ეს იმის მიუხედავად, რომ ვირთაგვებს ყველგან ებრძვიან, წამლავენ, მათზე სანადიროდ სპეციალურად ზრდიან ძაღლებს, კატებს, თუმცა ისინი მაინც მრავლდებიან. საქმე ის გახლავთ, რომ ვირთაგვა წელიწადში ოთხ-ხუთჯერ ნაყოფიერდება, 5-დან 15-მდე ნაშიერს შობს და ეს ნაშიერები გამრავლებას სამი-ოთხი თვის ასაკიდან იწყებენ. ისინი ჭამენ ყველაფერს, რის დალეჭვასაც კი ახერხებენ და გარდა იმისა, რომ ამ მიმართულებით სერიოზულ ზიანს აყენებენ ადამიანებს, მათ გადააქვთ არაერთი ინფექცია.

საგულისხმოა ისიც, რომ ვირთაგვებს ცდებისთვის შემთხვევით არ იყენებენ. მათი სხეულის მახასიათებლები ძალიან ჰგავს ადამიანისას და ამიტომაცაა, მაგალითად, სიმსივნის სამკურნალო პრეპარატებს, ძირითადად, ვირთხებზე რომ ცდიან. ვირთაგვები არაერთხელ გამხდარან სხვადასხვა სახელმწიფოს ხელში, როგორც ქიმიური ბრძოლის იარაღი. მომაკვდინებელი ვირუსით დაავადებულ ათასობით ვირთხას, ომიანობის დროს, მტრულად განწყობილი სახელმწიფოები ერთმანეთის ტერიტორიაზე უშვებდნენ და ეპიდემიას იწვევდნენ. იმასაც ამბობენ, რომ საბჭოთა კავშირმა ავღანეთის ომის დროს, არაერთი ათასი ვირთხა გამოიყენა ამ მიზნით და არაერთი ათასი ადამიანის სიცოცხლე სწორედ ვირთხების მიერ შეტანილმა ვირუსმა იმსხვერპლა. მარტივად გეტყვით – ყველა ვირთხა ცოფის მატარებელია და გარკვეული პრეპარატების ზემოქმედების შედეგად, ისინი იმდენად აგრესიულები ხდებიან, რომ ადამიანებს თავს ესხმიან. მხოლოდ კბენა კი არა, კბილით გაკანწვრაც კი საკმარისია, ადამიანი ცოფით რომ დაავადდეს.

თბილისის ერთი-ერთი კორპუსის მაცხოვრებლები მილიციის განყოფილებაში მივიდნენ, აქაოდა, ვირთხების შემოსევა გვაქვს, ისინი ყველგან არიან, სპეციალური სამსახური კი არაფერს აკეთებსო. სამართალდამცვეებს გაელიმათ, მოქალაქეებს ურჩიეს, ისედაც ბევრი საქმე გვაქვს და ამ პრეტენზიებით სანეპიდსადგურში (სანიტარულ-ეპიდემიოლოგიური სადგური) მიდითო. მალე, სამმართველოს თათბირზე ლამის ყველა განყოფილების ხელმძღვანელმა თქვა, რომ მათთან მოქალაქეები მიდიან და ვირთხების მომრავლებაზე ჩივიან. რაც მთავარია, მოსახლეობა ამტკიცებს, ისენი ჩვეულებრივი ვირთხები არ არიან, მოშავო ფერი დაპკრავთ და ძალიან აგრესიულები არიან, ადამიანებზე იწვევენო. თათბირზეც გაელიმათ და სამმართველოს უფროსმა პირობა დადო, სანეპიდსადგურის ხელმძღვანელს დავურეკავ, პრობლემა მოავგაროსო, თუმცა არ დაურეკავს, გადაავიწყდა, ან საჭიროდ არ ჩათვალა. განგაში კი მას შემდეგ ატყდა, რაც ვირთხამ 9 თვის ბავშვი საძინებელში დაკბინა და დედას რომ არ მიესწრო, ეგებ, შეეჭამა კიდეც. ამ ამბავს ისეთი გამომხაურება მოჰყვა, სამართალდამცვეები იძულებულები გახდნენ, სანეპიდსადგურის ხელმძღვანელი დაეპატიმრებინათ, მაგრამ მან ჟურნალები გადაშალა და დაადასტურა, რომ ყველა გამოძახებაზე ჰქონდა რეაგირება, ყველა გამოძახებაზე გაუშვა სპეციალური ჯგუფი, ყველგან ყველაფერი შენამლა. მოსახლეობის გამოკითხვის შედეგად, მისი სიტყვები დადასტურდა – ჯგუფი მიდიოდა, იქაურობას სპეციალური ხსნარით ამუშავებდა, მაგრამ შედეგი ნული იყო. მეტიც, ვირთხები ამის შემდეგ უფრო აგრესიულები ხდებოდნენ.

„შენამვლის პრინციპი ასეთია – სპეციალური სითხე ესხმება ყველგან, სარდაფებში, კიბის საფეხურებზე, მიმდებარე ტერიტორიაზე, იქ, სადაც ვირთხები გადა-

ვინ უეჭოდანა რუსეთიდან საქართველოში ვირთხების აკრძალული სანამლავი



როგორ გახსნეს ძაღვებმა „მღრღნელების შემოსევის“ საქმე

ადგილებიან. ეს წამალი ფეხებზე ეკვრებათ და საკმარისია, შემდეგ რამე შეჭამონ თათების დახმარებით, რომ წამალი სიკვდილს იწვევს, მაგრამ წარმოდგენა არ მაქვს, რატომ არ კვდებიან ვირთხები. ეს ახალი წამალია, რუსეთიდან შემოვიტანეთ, მთელი რუსეთი ამას ხმარობს, მაგრამ ალბათ, ჩვენთან სხვანაირად მოქმედებს, უფრო მრავლდებიან, უფრო აგრესიულები ხდებიან. არ ვიცი, მართლა არაფერი მესმის“, – ამბობდა სანეპიდსადგურის შეფი.

გაჩნდა ვერსია, რომ შესაძლებელი იყო, რომელიმე ლაბორატორიიდან საცდელი ვირთხები გაიქცნენ და სწორედ მათ ჰქონდათ ეს აგრესიული პრეპარატი შეყვანილი. ამიტომ, შსს-ს თანამშრომლებმა უფროს კოლეგებში ანუ უშიშროების კომიტეტში ეს საკითხი ფრთხილად მოიძიეს და მოიკვლიეს. უშიშროების კომიტეტმა ხელეუბნა გასასვავა, რა ლაბორატორიის ვირთხები, ჩვენ ასეთ ცდებს არ ვატარებთო ანუ ეს იყო პირდაპირი უარი და თან მინიშნება, რომ ლაბორატორიის ცხოველებზე კითხვები აღარ დასმულიყო, თუმცა რატომ გახდნენ აგრესიული ვირთხები, ყველას ძალიან აინტერესებდა. ქართულმა მხარემ რუსეთში მოთხოვნაც კი გაგზავნა და იქაური ამბები მოიკითხა. პასუხმა ყველა დააინტერესა. როგორც გაირკვა, წამალი, რომლითაც ქართველები ვირთხებს ებრძოდნენ, რუსეთში ხმარებიდან ორი წლის წინ ამოიღეს და ამოიღეს იმ მიზეზით, რომ მისი მოხმარების შემდეგ... ვირთხები აგრესიულები გახდნენ. ახლა ის იყო გასარკვევი, ვინ და რატომ ჩამოიტანა უკვე აკრძალული პრეპარატი საქართველოში და ზოგადად, სად იყო მარაგი თავად რუსეთში, რადგან რუსული მხარე ირწმუნებოდა, აღნიშნული წამალი მთლიანად გავანადგურეთ, მისი შეძენა წარმოუდგენელია, მით უმეტეს, დიდი რაოდენობითო. ამ დროს კი, თბილისის სანეპიდსადგურის სანყოფიში, რამდენიმე ტონა სითხე დაფასოებული ელაგა. რა თქმა უნდა, ისევ სანეპიდსადგურის ხელმძღვანელს მიადგინენ.

„მომარაგებას რუსეთიდან ვიღებ და იქ ჩემი სანყოფის გამგე დადის. ერთხელაც კი არ ვარ წასული, არ ვიცი, სად რა იყიდება ან იშოვება. ამიტომ, მუდმივად ის დადის და პასუხიც მას უნდა მოთხოვოთ. მე ვიყენებ იმ წამალს, რომელიც მას ჩამოაქვს და რაც მთავარია, მას მოაქვს დოკუმენტი, რომ ეს წამალი მოსკოვის შესაბამისი სანყოფიდან გაიცა. არ მგონია, აქ რამე კრიმინალი იყოს, ჩემი სანყოფის გამგემ თუ იმიამუნა, საბჭოთა კავშირის დედაქალაქშიც მექრთამეები ხომ არ სხედან?“ – განაცხადა სანეპიდსადგურის დირექტორმა და სავარაუდოდ, მას წარმოდგენაც კი არ ჰქონდა, რომ ყველაზე დიდი მექრთამეები, სწორედ მოსკოვში ისხდნენ და ყველაზე დიდი ფულიც, სწორედ საბჭოეთის დედაქალაქში „იჭრებოდა“.

სანყოფის გამგის დაკავებას ძაღვები არ ჩქარობდნენ და მას თვალთვალი დაუწყეს. ფუფუნება, რომელშიც ის ცხოვრობდა, ბევრისთვის მოულოდნელი იყო. ბინა, აგარაკი, ავტომობილი, კარგად ჩაცმულ-დახურული ცოლ-შვილი, სავარაუდოდ, სწორედ რუ-

სეთში ნაყიდი ტანისამოსი და... მეზობლებმა თქვეს, სახლი ჩეხური ბროლითა და იუგოსლავიური ავეჯით აქვს გამოტენილიო, რაც მაშინ უდიდეს ფუფუნებად ითვლებოდა, თუმცა დროც არ ითმენდა, დედაქალაქის რამდენიმე უბანს ვირთხები კი არ მოედნენ, არამედ, „შტურმით აიღეს“ და ხალხს სადარბაზოში გასვლის ემინოდა. მეტიც, ერთ-ერთი კორპუსის მაცხოვრებელმა გადაწყვიტა, რომ ამ პრობლემისთვის საკუთარი კატის საშუალებით მოეწყო, რომელიც ვირთხებსაც გადასარევიდ იჭერდა და კატა ღამით გარეთ დატოვებოდა. მეორე დღით, სარდაფის ჩასასვლელში, კატის დაგლეჯილი, უსულო სხეული იპოვეს. სანყოფის გამგე დააკავეს და საქმე იმდენად რეზონანსული იყო, რომ ის დასაკითხად უშიშროების კომიტეტში წაიყვანეს. აგრესიულმა ვირთხებმა, მოსკოვშიც და თბილისშიც, „კა-გე-ბე“-ს მაღალჩინოსნები ძალიან დააინტერესა.

„წლებია, მოსკოვიდან შხამ-ქიმიკატები ჩამომაქვს. სამი დირექტორი გამოვიცვალე, მე კი სანყოფის გამგედ დავრჩი. შესაბამისად, რუსეთში ყველას ვიცნობ. ბოლოს როცა ჩავედი, თან 60 ათასი მანეთი მქონდა. ერთ-ერთმა იქაურმა მეგობარმა მითხრა, ჩამონერილი წამალი გვაქვს, ვირთხებს ეგეც კლავს, სანყოფში ადგილს იკავებს და მაგას გაგატანთ, საბუთსაც დაგინერთ და ყველაფერი ეს, თავის ქრთამიანად, 25 ათასი მანეთი დაგიჯდებაო. დავთანხმდი, ვენდე, ან რატომ არ უნდა დავთანხმებულიყავი, არასოდეს მოვუტყუებოვარ. ჩამოვიტანე წამალი და დაიწყო ის, რაც დაიწყო. მაინც მგონია, რომ შესაძლოა, მიზეზი სხვა იყოს, თორემ ასე გააგრესიულება როგორ შეიძლება?“ – ლულულულებდა დაკითხვაზე დაკავებული.

სანყოფიდან შხამ-ქიმიკატები სასწრაფო წესით ამოიღეს, ნაწილი საქართველოში დატოვეს კვლევებისთვის, ნაწილი მოსკოვში გაგზავნეს. ლაბორატორიულმა კვლევებმა აჩვენა, რომ ეს სწორედ ის პრეპარატი იყო, რომელიც ვირთხის ტვინზე ზემოქმედებდა და ყველაფერი, რაც მოძრაობდა, მას საფრთხედ მიაჩნდა. ამიტომ, ვირთხები ინსტიქტურად, თავდასხმაზე გადადიოდნენ და არავის ინდობდნენ. რალა თქმა უნდა, დააკავეს მოსკოველი მექრთამეები, თბილისშიც სანყოფის გამგეს 7 წლით მიუსაჯეს თავისუფლების აღკვეთა, სანეპიდსადგურის დირექტორი, გულგრილობის ბრალდებით, სამსახურიდან დაითხოვეს და სასწრაფო წესით რუსეთიდან ახალი სანამლავი შემოიტანეს, თუმცა სანამლავის დაყრის პარალელურად, შეიქმნა სპეციალური ჯგუფები, რომლებიც აგრესიულ ვირთხებს ხოცავდნენ. მათ ამისთვის სპეციალური ნამახვილებული პლასტმასის ჯოხები ჰქონდათ, რომლის წვერის ბოლოც ბასრი რკინით იყო დაბოლოებული, რკინაზე კი დენი გახლდათ შეერთებული. სამუშაოები სამ თვეზე მეტხანს გაგრძელდა, სანამ აგრესიული ვირთხები სრულად არ ამოუღიტეს. არსებობს არცთუ უსაფუძვლო ვარაუდი, რომ აღნიშნული პრეპარატის დამზადება-გამოყენება უშიშროების კომიტეტმა რუსეთში კიდევ დიდხანს გააგრძელა.

„თუ იცით, რა ხდებოდა 1981 წლის შემოდგომაზე? საქართველო ისევ თასების მფლობელთა თასის მოგებას ზეიმობდა, ხალხი ბედნიერი იყო, სამსახურის პრობლემა არავის აწუხებდა, ვიღაც „ბარხატინი სეზონზე“ აფხაზეთში ისვენებდა, ვიღაც რთველისთვის ემზადებოდა. არა მარტო დედაქალაქში, არამედ, მთელ ქვეყანაში სანიმუშო წესრიგი იყო და ქვეყნის მასშტაბით, მძიმე დანაშაული, შესაძლოა, კვირაში, ან ორ კვირაში ერთხელ მომხდარიყო. შემძლია თამამად ვთქვა, ეს იყო იდეალური პერიოდი კრიმინალის თვალსაზრისით, არავინ ბედავდა მკვლელობას, ყაჩაღობას, გაუბრალებლობას, ადამიანის გატაცებას. ქურდობა და ხულიგნობა, ჩხუბი და ყოფით ნიადაგზე დაწყებული დავები – აი, საქმეები, რომლებსაც სასამართლო იხილავდა“, – იხსენებს მორიგ ისტორიას პოლიციის გადამდგარი პოლკოვნიკი, ბატონი თენგიზი.

სწორედ ამ პერიოდში, მეხის გავარდნას ჰგავდა ის, რაც დედაქალაქში მოხდა. ნილბიანი პირი მალაზიაში შეიჭრა, 300 მანეთამდე გაიტაცა და წასვლისას გაისროლა კიდეც, რის შედეგადაც მოლარე დაიჭრა. თვითმხილველები ამბობდნენ, სროლის აუცილებლობა არ იყო, რადგან მოლარემ სალარო გახსნა და ფული მაშინვე მისცაო. ჰოდა, მაშინ, როცა ძალოვნები ადგილზე იყვნენ, შეტყობინება მეორე მალაზიიდან მოვიდა – იქაც ზუსტად იგივე მოხდა, თუმცა გასვლისას, თავდამსხმელის გასროლას მომხმარებლის დაჭრა მოჰყვა. საინტერესო იყო, რომ ორივე შემთხვევაში, თავდამსხმელმა ფეხში ესროლა მოქალაქეებს. მოგვიანებით, მონშეების დაკითხვის შედეგად, მამაკაცის აღწერილობა და ჩაცმულობა ერთი-ერთში დაემთხვა ანუ ძალოვნებს საქმე ერთსა და იმავე პიროვნებასთან ჰქონდათ. მეორე დღეს, ლამის მთელი უწყება ფეხზე დადგა – ისევ თავდასხმა, ისევ იგივე მამაკაცი, ისევ დაჭრილი რიგითი ადამიანები და ისევ წაღებული უმნიშვნელო თანხა. ისეთი შთაბეჭდილება რჩებოდა, რომ თავდამსხმელს თითქოს გეგმა ჰქონდა შესასრულებელი და დღეში რამდენიმე საქმეზე მიდიოდა.

„ეს ნამდვილი შოკი იყო. არავინ ელოდა ასეთ რამეს, აგენტურული ქსელიც ვერაფერს ამბობდა. ქალაქში გამოჩნდა დამნაშავე, რომელიც თავზეხელაღებული იყო, მარტო მიდიოდა საქმეზე და გაფრთხილების, საჭიროების გარეშე იბრძოდა. სად უნდა გვეძებნა და ვინ შეიძლება ყოფილიყო დამნაშავე, წარმოდგენა არ გვქონდა. რაც მთავარია, საქმეს სამინისტრო კურირებდა და თბილისის ყველა განყოფილებაში იცოდნენ, რომ ეს არ იყო კონკრეტულად ერთი რაიონის პრობლემა, დამნაშავეზე უნდა ემუშავა და ენადირა ყველას“, – ამბობს ბატონი თენგიზი.

განსაკუთრებული დატვირთვა უბნის რწმუნებულებზე მოდიოდა. იქ, სადაც დანაშაული მოხდა, უბნის რწმუნებულებმა, პრაქტიკულად, ყველა აგენტი შეანუხეს, დააშინეს, აამუშავეს, თუმცა უშედეგოდ. ყველაფერი ეს ჯერ კარგად გააზრებულიც კი არ ჰქონდათ სამართალდამცავებს, როცა მორიგი დანაშაული მოხდა. ხელწერა იგივე იყო, მაგრამ ამჯერად, სროლას მოქალაქის მძიმედ დაშავება მოჰყვა – ტყვია მას ყელში მოხვდა. როგორც თვითმხილველები ამბობდნენ, თავდამსხმელმა შეგნებულად დაუმიზნა სწორედ ყელის არეში და არა – ფეხში, როგორც ეს წინა შემთხვევებში იყო. გამოდიოდა, რომ დამნაშავე დღითი-დღე დაუნდობელი ხდებოდა და მალე ხალხის სასიკვდილოდ დახვრეტას დაიწყებდა. სამინისტროს მაღალჩინოსნები ყოველდღიურად თათბირს ატარებდნენ და კატეგორიულად ითხოვდნენ დამნაშავეს დაკავებას, მაგრამ მილიცია უძლური იყო. ასე განსაჯეთ, ე.წ. კანონიერ ქურდებსაც კი წარმოდგენა არ ჰქონდათ, ვინ შეიძლება ყოფილიყო ადამიანი, რომელსაც თავზე ხელი ჰქონდა აღებული და ზუსტად იცოდა, რომ თავდასხმების გაგრძელებისა და ადამიანების დახოცვის შემთხვევაში, მას სასიკვდილო განაჩენი ელოდა. იმის გამო, რომ მამაკაცს ნილაბი ჰქონდა ჩამოფარებული, მისი სახის აღწერას ვერავინ ახერხებდა. ათეულობით მონმე მხოლოდ ერთსა და იმავეს იმეორებდა – „თავდამსხმელი მოულოდნელად შემოვარდა, სალაროსთან მივიდა, ფული აიღო, გასვლისას გაისროლა, თან ყვიროდა, არავინ გაინძრეს, თორემ მოვკლავო“. ნილაბი ყოველთვის ქალის კაპრონის თხელ, შავ წინდას იყენებდა. გამოძიებას ისე გაუჭირდა, რომ მალაზიებში მოკითხვაც დაიწყეს, ვინმე მამაკაცი მუდმივად ხომ არ ყიდულობს ქალის შავ, თხელ წინდასო, მაგრამ ამან შედეგი ვერ გამოიღო.

სავარაუდოდ, ძალიან, ძალიან ბევრ ადამიანს უფიქრია იმაზე, რას გააკეთებდა, თუ ეცოდინებოდა, რომ კონკრეტული დღე მის სიცოცხლეში უკანასკნელი იქნებოდა. მიდგომა ინდივიდუალურია, ზოგს ახლობლების გარემოცვაში ყოფნა სურს, ზოგს პირიქით, უცხო ადამიანებთან ყოფნა ურჩევნია, ზოგს – ქეიფი, გათრობა, დროსტარება... თუმცა, რეალურად, შეუძლებელია ვინმემ იცოდეს, როდის დგება მისი უკანასკნელი დღე... ალბათ, ცხოვრებაც ხიბლიც ამაშია.



„ყველა მიმართულებით ჩიხში შევედი. თათბირზე ისიც კი ითქვა, დედაქალაქში არსებულ მალაზიებში, სამოქალაქო ფორმაში გადაცმული ერთი თანამშრომელი დავაყენოთ, შეიარაღებული, რომელიც ცეცხლს მას შემდეგ გახსნის, რაც თავდამსხმელი შენობიდან გავაო, მაგრამ იმის გათვალისწინებით, რომ თავდამსხმელისთვის სულ ერთი იყო, სასურსათო მალაზიაში შევიდოდა, რკინეულობაში თუ ტანსაცმელის სექციაში, ეს აზრი არ მოიწონეს. ახლა, ერთადერთი, რისი იმედიც გვქონდა, შეცდომა იყო. შეცდომა, რომელსაც თავდამსხმელი აუცილებლად დაუშვებდა და რამე სამხილს დატოვებდა“, – გვიყვება ბატონი თენგიზი.

მორიგი თავდასხმის შემდეგ, ერთ-ერთმა თვითმხილველმა დაბეჯითებით თქვა, დამწყობელი სროლას აპირებდა, მაგრამ ტყვია არ ჰქონდა და ამიტომ, უკანმოუხედავად გაიქცაო. იმის გათვალისწინებით, რომ ყველა შემთხვევაში, თავდამსხმელი ნაგანს იყენებდა, გამოდიოდა, რომ „ასეჩკა“ არ მოხდა, უბრალოდ, მას ტყვიები მართლაც გაუთავდა. ეს ძალიან კარგი ამბავი იყო, რადგან ის აუცილებლად დაიწყებდა ტყვიების შექმნაზე ფიქრს და შავ ბაზარზე მოძიებას. სწორედ იქ უნდა ჩაველოთ ძალოვნებს, ამიტომ ყველა გააფრთხილეს, ინფორმაცია მიენოვებინათ ნებისმიერზე, ვინც ნაგანის ტყვიების ყიდვას დააპირებდა. სამ დღეში, სამართალდამცავებმა ორი პიროვნება დააკავეს, რომლებმაც ნაგანის ტყვიები დაძებნეს, თუმცა აღწერილობით თავდამსხმელს არცერთი არ ჰგავდა. ამასთან ერთად, გამოძიება მალე მიხვდა, რომ დაკავებულებს ყაჩაღობასთან კავშირი არ ჰქონდათ – თავდამსხმელი მორიგ მალაზიაში შევარდა და ფულის წაღების შემდეგ... გაისროლა. როგორც ჩანს, მას ტყვიების მარაგი ჰქონდა და შესაბამისად, არაღელვარულად ყიდვასაც არ შეეცდებოდა. ის იყო, შსს-ს დახმარება თავდაცვის ძალებისთვის უნდა ეთხოვა, აქაოდა, გამოცდილი ხალხი მალაზიებში განვითავსოთო, რომ განყოფილებაში ასაკში შესული ქალი მივიდა და მშვიდად თქვა – „მე ვიცი, ვინ არის თავდამსხმელი. მალაზიაში, რომელიც მან ბოლოს დააყარა, მეც ვიყავი და ჩემი მეზობელი ამოვიცანი. უწყინარი ბიჭია, არ ვიცი, რამ გადარია, მაგრამ ზუსტად ის იყო“. სამართალდამცავებმა მითითებულ პიროვნებაზე თვალთვალი დააწესეს და არც შემცდარან – ორ დღეში, ის მაშინ დააკავეს, როცა მორიგი მალაზიიდან გამოვიდა და მიმალვა სცადა. ძალოვნებმა უწყებამ კი ამოიხუნტა, მაგრამ ახლა იმის გარკვევა იყო

საინტერესო, რამ აიძულა ახალგაზრდა კაცი, რომელიც მანამდე დანაშაულში არ ყოფილა შემჩნეული, ასეთი თავზეხელაღებული მძარცველი გამხდარიყო და რიგითი ადამიანების მისამართით, საჭიროების გარეშე ესროლა.

„ჩემთვის მნიშვნელობა არ აქვს, რამდენს მომცემთ, დამხვრეტთ, გამაცემბრებთ, თუ ჩამომხრჩობთ. ისედაც დათვლილია ჩემი დღეები, თავში სიმსივნე მაქვს და საუკეთესო შემთხვევაში, ორი თვე ვიცოცხლებ. ორი თვის განმავლობაში რომ არ დაგეჭირეთ, ჩემით მოკვდებოდით და გავერბოდით. სიკვდილის წინ, ალბათ, ვიტყვოდი, ვინც ვიყავი. მეზობლებით, ყველა მეზობლებით, რადგან თქვენ იცოცხლებთ, მე კი მატლები შემჭამენ“, – პირველივე დაკითხვაზე აყვირდა დაკავებული. გამოძიებლებმა დაკითხვა შეწყვიტეს და იმ კლინიკაში წავიდნენ, სადაც ბრალდებული აღრიცხვაზე იყო.

„იცით, მრცხენია ამის თქმა, მაგრამ გაუგებრობა მოხდა. პაციენტების სურათები აგვერია და ამიტომ, მას, ვინც სრულიად ჯანმრთელია, ვუთხარით, რომ უკურნებელი სენი სჭირდა და ყველაზე დიდი, ორი თვე იცოცხლებდა. კი გვინდოდა, შემდეგ გვეთქვა, რომ მას არაფერი სჭირს და სრულიად ჯანმრთელია, მაგრამ პროცედურებზე არ მოვიდა, მერე და მერე კი მიგვაგინცდა ეს ამბავი. ძალიან ბევრი საქმეა ჩვენს კლინიკაში, თავადაც ხედავთ, რა რეჟიმში ვმუშობთ და ამიტომ, ჯანმრთელი ადამიანებისთვის დრო ნაკლებად გვრჩება“, – უხერხულად გაიღიმა ექიმმა და როცა გამოძიებლის ჯერ გაოცებულ, შემდეგ კი გაცოფებულ სახეს შეხედა, მიხვდა, რაღაც ისეთი მოხდა, რაშიც დიდწილად ბრალი, სწორედ მას, ექიმს მიუძღვოდა.

მორიგ დაკითხვაზე დაკავებულს მისი ავადმყოფობის ისტორია წინ დაუდეს და უთხრეს, რომ სრულიად ჯანმრთელი იყო, რომ ექიმს რაღაც აერია და რომ ყველა ეს დანაშაული სულ ტყუილად ჩაიდინა. დაკავებულმა ჯერ არ დაიჯერა, შემდეგ ხარბად დაიწყო თავისი სამედიცინო ისტორიისა და დიაგნოზის კითხვა, ბოლოს კი თავში ხელები წაიშინა და რომ არა დამამშვიდებელი ნემსი, ყველაფერს დალენავდა. მეორე დღეს, დაკითხვაზე სულ სხვა პიროვნება იჯდა – დაბეჩავებული, დაბერებული, ნატანჯი. მან ზუსტად იცოდა, რომ დანაშაულს, რომელიც უკურნებელი სენის სახელით ჩაიდინა, არავინ აპატიებდა. ასეც მოხდა, სასამართლომ 14 წლით გაისტუმრა გისოსებს მიღმა (სხვათა შორის, სასჯელი სრულად მოიხადა), ხოლო ექიმს, რომელსაც დიაგნოზი აერია... უბრალოდ, ლიცენზია ჩამოართვეს.

ვახტანგ გომელაურმა „საქართველოს კიბერუსაფრთხოების ფორუმი – 2023“-ის მონაწილეებს სიტყვით მიმართა

შინაგან საქმეთა მინისტრი, ეროვნული უსაფრთხოების საბჭოს მდივანი ვახტანგ გომელაური, „საქართველოს კიბერუსაფრთხოების ფორუმი – 2023“-ში მონაწილეობდა და ფორუმის დამსწრეებს სიტყვით მიმართა. ღონისძიება საქართველოს პრემიერ-მინისტრმა, ირაკლი ღარიბაშვილმა მისასალმებელი სიტყვით გახსნა.

ფორუმში მონაწილეობა მიიღეს საქართველოს მთავრობის წევრებმა, საქართველოს სახელმწიფო უსაფრთხოების სამსახურის უფროსმა გრიგოლ ლილუაშვილმა, დიპლომატიური მისიების და საერთაშორისო ინსტიტუტების წარმომადგენლებმა. ღონისძიებას ასევე დაესწრო და მონაწილეებს სიტყვით მიმართა თურქეთის ეროვნული უსაფრთხოების საბჭოს გენერალურმა მდივანმა სეიფულა ჰაჯიმუფთოღლუმ.

შინაგან საქმეთა მინისტრმა, ეროვნული უსაფრთხოების საბჭოს მდივანმა ვახტანგ გომელაურმა სიტყვით გამოსვლისას, კიბერუსაფრთხოების მიმართულებით გადადგმული მნიშვნელოვანი ნაბიჯების მხარდაჭერისთვის, პრემიერ-მინისტრ ირაკლი ღარიბაშვილს, ასევე საერთაშორისო პარტნიორებს მადლობა გადაუხადა.

ვახტანგ გომელაურმა ფორუმის მნიშვნელობაზე ისაუბრა.

„ჩვენი მიზანია, ფორუმის საშუალებით, კიდევ უფრო გავაღრმავოთ თანამშრომლობა სტრატეგიულ პარტნიორებთან და ხელი შევუწყოთ ამ სფეროში კრიტიკულად მნიშვნელოვან საკითხებზე დიალოგს.

საქართველოს ეროვნული უსაფრთხოების სფეროში კიბერუსაფრთხოებას, როგორც თანამედროვე ტექნოლოგიური სამყაროს განუყოფელ ნაწილს, ერთ-ერთი უმნიშვნელოვანესი ადგილი უკავია.

ჩვენ გვყავს უწყებები, რომლებსაც მანდატით აქვთ განსაზღვრული სახელმწიფო რესურსების, თუ ეკონომიკის სექტორების კიბერუსაფრთხოების უზრუნველყოფა. თითოეული უწყება სწორედ ამ უფლებამოსილების ფარგლებში აქტიურად მუშაობს კიბერუსაფრთხოების გამოწვევების საპასუხოდ.

2021 წელს დამტკიცდა საქართველოს კიბერუსაფრთხოების ეროვნული სტრატეგია და აქტიურად მიმდინარეობს სამოქმედო გეგმის შესრულების პროცესი, რაშიც ქართულ მხარესთან ერთად ინტენსიურად არიან ჩართულები ჩვენი საერთაშორისო პარტნიორები.

ნატო-საქართველოს არსებითი პაკეტის, ევროკავშირის, ამერიკის შეერთებული შტატებისა და გაერთიანებული სამეფოს შესაბამისი პროგრამების ფარგლებში, კიბერუსაფრთხოების მიმართულებით, საქართველო აქტიურად თანამშრომლობს სტრატეგიულ პარტნიორებთან.

გამორჩეულია გაერთიანებული სამეფო-საქართველოს კიბერთანამშრომლობის პროგრამა, რომელიც აქტიურად ეხმარება საქართველოს სხვადასხვა უწყებებს შესაძლებლობების განვითარებაში.

ჩვენ მჭიდროდ ვთანამშრომლობთ ამერიკულ მხარესთან და ვიღებთ, როგორც ტექნიკურ, ისე ტექნოლოგიურ მხარდაჭერას. ასევე, ხაზგასასმელია ევროკავშირთან თანამშრომლობა სხვადასხვა პროგრამების ფარგლებში, რომლითაც ძლიერდება საქართველოს უწყებების შესაძლებლობები“, – განაცხადა ვახტანგ გომელაურმა.

ორდღიანი ღონისძიება ეროვნული უსაფრთხოების საბჭოს აპარატის ორგანიზებით იმართება.

ფორუმის მიზანია, კიბერუსაფრთხოების სფეროში არსებული გამოწვევებისა და თანამედროვე მიდგომების შესახებ ინფორმაციის გაზიარება და საერთაშორისო დონეზე, კიბერკომპონენტის საშუალებით, საქართველოს პოზიციონირების გაძლიერება.

საქართველოს შინაგან საქმეთა მინისტრი თურქეთის რესპუბლიკის ეროვნული უსაფრთხოების საბჭოს გენერალურ მდივანს, გუბერნატორს შეხვდა



საქართველოს შინაგან საქმეთა მინისტრმა ვახტანგ გომელაურმა შეხვედრა გამართა საქართველოში ოფიციალური ვიზიტით მყოფ თურქეთის რესპუბლიკის ეროვნული უსაფრთხოების საბჭოს გენერალურ მდივანთან, გუბერნატორ სეიფულა ჰაჯიმუფთოღლუსთან.

შეხვედრაზე მხარეებმა ორ სახელმწიფოს შორის არსებული პარტნიორული ურთიერთობების მნიშვნელობაზე ისაუბრეს. ვახტანგ გომელაურმა განსაკუთრებული ყურადღება გაამახვილა საქართველოსა და თურქეთის რესპუბლიკის სამართალდამცავ უწყებებს შორის არსებულ მჭიდრო და ინტენსიურ თანამშრომლობაზე, ასევე ხაზი გაუსვა თურქეთის რესპუბლიკის შინაგან საქმეთა სამინისტროს მნიშვნელოვან როლს

საქართველოს შინაგან საქმეთა სამინისტროს შესაძლებლობების განვითარებაში.

შეხვედრის ფარგლებში, საუბარი ასევე შეეხო ორ სახელმწიფოს შორის საზღვრის დაცვის სფეროში არსებულ თანამშრომლობას, დანაშაულის წინააღმდეგ ბრძოლის კუთხით განხორციელებულ ღონისძიებებსა და ამ მიმართულებით თანამშრომლობის სამომავლო პერსპექტივებს.

შეხვედრის დასასრულს, ვახტანგ გომელაურმა კოლეგას მადლობა გადაუხადა საქართველოში ვიზიტისთვის და იმედი გამოთქვა, რომ მხარეთა შორის თანამშრომლობა მომავალშიც აქტიურად გაგრძელდება.

პოლიციამ ღამის კლუბში ტურისტებისგან დიდი ოდენობით თანხის დაუფლების თაღლითური სქემა გახსნა – დააკავეს რვა პირი

შინაგან საქმეთა სამინისტროს ცენტრალური კრიმინალური პოლიციის დეპარტამენტის ორგანიზებულ დანაშაულთან ბრძოლის მთავარი სამმართველოს ტრეფიკინგისა და უკანონო მიგრაციის წინააღმდეგ ბრძოლის სამმართველოს თანამშრომლებმა, გენერალურ პროკურატურასთან ერთად ჩატარებული ოპერატიული ღონისძიებებისა და საგამოძიებო მოქმედებების შედეგად, მოსამართლის განჩინების საფუძველზე, რვა პირი დააკავეს.

ორგანიზებული ჯგუფის მიერ ჩადენილი თაღლითობის ბრალდებით დაკავებული არიან: წარსულში ნასამართლევები, 1968 წელს დაბადებული რ.მ., 1998 წელს დაბადებული ა.დ., 1982 წელს დაბადებული გ.ც., 1999 წელს დაბადებული დ.ბ., 1989 წელს დაბადებული დ.ა., 1992 წელს დაბადებული გ.კ., 1981 წელს დაბადებული ზ.დ. და 1970 წელს დაბადებული მ.დ.

დანაშაული 10 წლამდე ვადით თავისუფლების აღკვეთას ითვალისწინებს.

გამოძიებით დადგინდა, რომ ერთ-ერთი ღამის კლუბის მფლობელებს – რ.მ.-სა და გ.ც.-ს, ფინანსური სარგებლის მიღების მიზნით, ტაქსის მძღოლებთან – ზ.დ., ა.დ. და მ.დ.-სთან შეთანხმებით, კონკრეტულ ბარში მიჰყავდათ ტურისტები, რომლებსაც აღნიშნულ ბარში დასაქმებული პერსონალის: დ.ბ.-ს, დ.ა.-ს და გ.კ.-ს დახმარებით, თაღლითური გზით, მომსახურებასთან და შეკვეთილ პროდუქციასთან შეუსაბამო თანხას ახდევინებდნენ. ასევე, დაზარალებულებზე ახორციელებდნენ ფსიქოლოგიურ ზეწოლასა და მუქარას.

პოლიციამ ჩატარებული საგამოძიებო მოქმედებების შედეგად, დანაშაულის ჩამდენი პირები, მოსამართლის განჩინების საფუძველზე, თბილისში დააკავეს.

გამოძიება სისხლის სამართლის კოდექსის 180-ე მუხლის მე-4 ნაწილის „ა“ ქვეპუნქტით მიმდინარეობს.



- ჩვენ რაც შევუკვეთეთ აქ წერია ტევილა და ხილი. არა არ არის პრობლემა, ამას არ უარვყოფთ.

შინაგან საქმეთა მინისტრის მოადგილე, ბირთვული ექსპერტიზის საერთაშორისო ტექნიკური სამუშაო ჯგუფის 26-ე ყოველწლიურ შეხვედრაში მონაწილეობდა

შინაგან საქმეთა სამინისტრომ ბირთვული ექსპერტიზის საერთაშორისო ტექნიკური სამუშაო ჯგუფის (ITWG) 26-ე ყოველწლიურ შეხვედრას უმასპინძლა.

კონფერენციაში მონაწილეობდა შინაგან საქმეთა მინისტრის მოადგილე ალექსანდრე დარახველიძე, რომელმაც მისასალმებელი სიტყვით მიმართა სტუმრებს. შეხვედრის მონაწილეებს ასევე მიმართეს ბირთვული ექსპერტიზის საერთაშორისო ტექნიკური სამუშაო ჯგუფის თანათავმჯდომარეებმა – მაიკლ ქერიმ და მარია ვალენიუსმა.

შეხვედრის მიმდინარეობისას, შინაგან საქმეთა სამინისტროს წარმომადგენელმა კონფერენციის მონაწილეებს გააცნო ქიმიური, ბიოლოგიური, რადიაციული და ბირთვული (ქბრბ) მიმართულებით სამინისტროს შესაძლებლობები და რეაგირების მექანიზმები, ხოლო სახელმწიფო უსაფრთხოების სამსახურის წარმომადგენელმა მიმოიხილა ქბრბ საფრთხეების შემცირების ეროვნული სტრატეგია.

კონფერენციის დასასრულს, შინაგან საქმეთა მინისტრის მოადგილე ალექსანდრე დარახველიძემ მადლობა გადაუხადა ბირთვული ექსპერტიზის საერთაშორისო ტექნიკური სამუშაო ჯგუფს, სიმპოზიუმის საქართველოში ჩატარებისა და ბირთვული ექსპერტიზის მიმართულებით, საუკეთესო საერთაშორისო გამოცდილების გაზიარებისთვის.

სიმპოზიუმში სხვადასხვა ქვეყნის 80-მდე ექსპერტი და მეცნიერი მონაწილეობდა, რომლებმაც ბირთვული ექსპერტიზის შემდგომი განვითარების აქტუალური საკითხები მიმოიხილეს, მათ შორის, ბირთვული და სხვა რადიოაქტიური მასალის კვლევის თანამედროვე მეთოდები და მიდგომები.

სიმპოზიუმში აშშ-ის ენერჯეტიკის დეპარტამენტისა (DOE) და ევროკომისიის კვლევითი ცენტრის (JRC) ფინანსური მხარდაჭერით გაიმართა.

საქართველოს 21-წლამდელთა ნაკრები ისტორიას წერს

საქართველოს 21-წლამდელთა საფეხბურთო ნაკრები ევროპის ჩემპიონატზე პირველად თამაშობს. ვალიაროთ, კონტინენტის მთავარ ფორუმზე ჩვენი გუნდი იმიტომ მოხვდა, რომ ტურნირის ერთ-ერთი მასპინძლები ვართ. მას შემდეგ, რაც ჩვენი ჯგუფის შემადგენლობა გაირკვა, ყველამ აღიარა, რომ ეს სიკვდილის ჯგუფი იყო, მაგრამ არა ჩვენთვის. ჩვენთვის არა იმიტომ, რომ საქართველოს ნაკრებზე სერიოზულად არავინ ფიქრობდა, რამეთუ ჯგუფში ტურნირის ორი ფავორიტი – პორტუგალია და ნიდერლანდები გვყავდა, ბელგიას კი არა მარტო ამ ასაკში, ყოველთვის ძლიერი გუნდი ჰყავს.

საწყისი ორი ტურის შემდეგ, საქართველოს ნაკრები 4 ქულით პირველ ადგილზეა, მეორე-მესამე ადგილებს ბელგია და ნიდერლანდები – 2-2 ქულით ინანილებენ, მეოთხე ადგილზე კი ევროპის ვიცე-ჩემპიონი პორტუგალიაა. ბოლო ტურში საქართველო ნიდერლანდებს ხვდება, ბელგია – პორტუგალიას და მეოთხედფინალში გასასვლელად ფრეც გვყოფნის. თუმცა, არსებობს ვარიანტი, რომ ჯგუფიდან იმ შემთხვევაშიც გავიდეთ, თუ ბელგია ვერ მოიგებს, რისი ალბათობაც ძალიან დიდია.

მანამდე კი ბელგიასთან შეხვედრაზე ვთქვათ და აღვნიშნოთ, რომ პირველი მატჩის გმირის, ორი საგოლე გადაცემის ავტორის, გიორგი ნიჭიანიშვილის სასტარტო შემადგენლობაში არდაყენებამ ბევრი კითხვის ნიშანი გააჩინა და სამართლიანადაც. პირველი ნახევარი არათუ პირნიშნადაც წავაგეთ, არამედ, იმდენად უიმედოდ, რომ არავის ეგონა, მეორე ნახევარში რამეს თუ მოვახერხებდით, მაგრამ... სწორედ მეორე ტაიმში გამოჩნდა ნიჭიანიშვილი და გუნდი აიყოლია. შემოსვლიდან 7 წუთში, მან შორეული დარტყმით გახსნა ანგარიში და ეს იყო გარდამტეხი მომენტი – გუნდმა საკუთარი ძალების ირწმუნა და მიზანმიმართულად მიდიოდა მეორე გოლისკენ, რომელიც მატჩის მინურულს შევადგეთ. შეხვედრა, რომელმაც დაწყებამდე რეკორდი მოხსნა, ფრედ დასრულდა. რაც შეეხება რეკორდს – ევროპის ახალგაზრდულ ჩემპიონატზე, ყველაზე მეტი მათქმული 1996 წელს, ესპანეთი-იტალიის მატჩზე, ბარსელონაში მივიდა. „დინამო არენაზე“ კი ყველა, 54 ათასზე ბილეთი გაიყიდა, ამ მხრივ, ბებერ კონტინენტზე ბადალი არ გვყავს და ეჭვი გვაქვს, კარგა ხანს, არც გვეყოლება.

ახლა ძნელია იმის თქმა, რა შედეგით დაასრულებს კონტინენტის პირველობაზე გამოსვლას ჩვენი გუნდი, მაგრამ ხმამაღლა შეგვიძლია განვაცხადოთ, რომ ეროვნულ ნაკრებში ძალიან კარგი ცვლა მოდის.



უმცროსმა „ბორჯღალოსნებმა“ მარცხით დაიწყეს



20-წლამდელ მორაგბეთა შორის მსოფლიოს ჩემპიონატი დაიწყო. მოგვსენებათ, საქართველოს ნაკრები ურთულეს ჯგუფში მოხვდა და მეტოქეებად ტურნირის მთავარი ფავორიტი – სამხრეთ აფრიკა, კიდევ ერთი ფავორიტი – არგენტინა და ექვსი ერის წევრი, იტალია გვყავს.

პირველ შეხვედრაში, ჩვენი გუნდი სწორედ სამხრეთ აფრიკელებს შეხვდა და პირველი ტაიმი პირნიშნადაც – 20:7 წააგო. მეორე ნახევარში, ჩვენმა გუნდმა გამართული რაგბი აჩვენა და ჯერ ჯარიმა გავიტანეთ, მერე ლელო, რასაც გარდასახვა მივაცოლოეთ და მეტოქეს სამ ქულამდე მივუახლოვდით. სწორედ ამ დროს, მეტოქეს მოთამაშე გაუყვივთლეს და მოედნიდან 10 წუთით გააძევეს, რაც წესით, ჩვენს უპირატესობაში უნდა გადაზრდილიყო, თუმცა...

ვერ გეტყვით, მეტოქის კაცნაკლულად დარჩენამ დაამშვიდა ჩვენები, თუ პირიქით, მეტოქე გაახელა, ექვს წუთში, ორი ჯარიმა, ლელო და გარდასახვა მივიღეთ. მატჩის ბედიც, სწორედ ამ 6 წუთში გადაწყდა და საბოლოო ჯამში, 33:23 დაემარცხდით.

კიდევ ერთი ქართველი სერია A-ში

იტალიური მედიის მტკიცებით, მომავალი სეზონიდან, სერია A-ში კიდევ ერთი ქართველი ითამაშებს. „ფროზინონემ“ ბათუმის „დიმანოსთან“ მოლაპარაკება დაასრულა და გიორგი კვერნაძე გადაიბირა. კვერნაძე 20 წლის ფორვარდია, ტანმაღალი (190 სმ) და როგორც მარცხენა გარემარბად, ისე გამოკვეთილ ფორვარდად თამაში შეუძლია.

„ფროზინონემ“ სერია A-ს საგზური წელს მოიპოვა, სერია B დამაჯერებლად მოიგო და... ყველასთვის მოულოდნელად, მთავარი მწვრთნელი, ფაბიო გროსო გაათავისუფლა. ვერ გეტყვით, რას ერჩოდნენ სპეციალისტს, რომელმაც გუნდს საოცარი სეზონი ჩაატარებინა, მაგრამ ფაქტია, რომ მის ნაცვლად, ეუსებო დი ფრანჩესკო დანიშნეს.



„ტოტენჰემის“ მთავარი სამიზნე მამარდაშვილია

მართალია, გიორგი მამარდაშვილი თბილისშია და 21-წლამდელოთა ნაკრებს ევროპის ჩემპიონატზე ეხმარება, თუმცა მისი აგენტები ესპანეთში იმყოფებიან და ტრანსფერზე აქტიურად მუშაობენ. არც ესპანური მედია და არც „ვალენსია“ არ მალავს, რომ კლუბს სერიოზული ფინანსური პრობლემა აქვს და მისი მოგვარების ერთ-ერთ (თუ ერთადერთი არა) გზად, გიორგი მამარდაშვილისა და კიდევ ორი ლიდერის გაყიდვაა.

„ვალენსიას“ რიგითი გულშემატიკურებიც კი ხვდებიან, რომ მამარდაშვილის შენარჩუნება გუნდს არათუ გაუჭირდება, არამედ, ეს წარმოუდგენელიც კი არის. მომავალი სეზონისთვის, „ლამურები“ ისევ გადარჩენისთვის იბრძობლებენ, რამდენად გამოუვათ, ძნელი სათქმელია. ნელს ისინი უძლიერესთა შორის, სწორედ მამარდაშვილის ხარჯზე დარჩნენ, რადგან ახალგაზრდა კიპერმა რამდენიმე გამარჯვება გუნდს პირადად მოუტანა. განსაკუთრებით კი, მადრიდის „რეალთან“ შეხვედრაში, სადაც საუკეთესოდ დაასახელეს და „სამეფო გუნდის“ ფეხბურთელების შეტევებს, პრაქტიკულად, მარტო იგერიებდა, – ნერს ესპანური მედია.

მათივე ცნობით, გიორგის ყველაზე რეალური მყიდველი „ტოტენჰემის“ სახით ჰყავს. ლონდონურ კლუბს „ბრენტფორთიდან“ დავიდ რაიას შეძენა სურდა, მაგრამ ის 40 მილიონი გირვანქა დააფასეს, რაც „მამლებს“ ეძვირათ და ახლა მთლიანად მამარდაშვილის ტრანსფერზე გადაერთვნენ. ქართველი მეკარის გადაბირება კიდევ ერთ ლონდონურ გუნდს, „ჩელსის“ სურს, მაგრამ მეორე მეკარედ მოიზარებს, რაც იმას ნიშნავს, რომ თავად მამარდაშვილი „ტოტენჰემში“ წასვლას არჩევს, რამეთუ „მამლებში“ მას ვეტერანი უგო ლორისის შემცვლელად და შესაბამისად, პირველ ნომრად მოიაზრებენ.



ცნობისათვის, მილანის „ინტერმა“ ანდრე ონანას გაყიდვა გადამწყვეტია და მეკარის აგენტი ინგლისში იმყოფება, სადაც მოლაპარაკებას „მანჩესტერ იუნაიტედთან“ აწარმოებს. როგორც იტალიური მედია ამტკიცებს, ტრანსფერის განხორციელების შესაძლებლობა ძალიან დიდია და მანჩესტერელები მზად არიან, მის სანაცვლოდ 50 მილიონი ფუნტი გადაიხადონ. ჰოდა, იტალიაში არ მალავენ, რომ ონანას წასვლის შემთხვევაში, „ინტერი“ ყველაფერს გააკეთებს იმისთვის, რომ „ვალენსიასგან“ მამარდაშვილი იყიდოს.

შენგელიამ იტალიის ჩემპიონატის ფინალური სერია წააგო



საქართველოს საკალათბურთო ნაკრების კაპიტანი, თორნიკე შენგელია იტალიის ჩემპიონატისთვის იბრძოდა. ფინალურ სერიაში, მისი „ვირტუს ბოლონია“, ოლიმპია მილანოს“ დაუპირისპირდა. პლეი-ოფის სერია 4 მოგებად გრძელდება და როგორც მოსალოდნელი იყო, გადამწყვეტი, მეშვიდე შეხვედრის ჩანიშვნა გახდა საჭირო, რადგან სანჯის ექვს მატჩში, გუნდებმა 3-3 მოიგეს. ბოლო შეხვედრაში კი...

ნამდვილად არავინ ელოდებოდა, რომ „ბოლონია“ ასე საშინლად ითამაშებდა. თავად განსაჯეთ, პირველ მეოთხედში, გუნდმა 9 ქულა ჩააგდო, მეასამე მეოთხედში – მხოლოდ 5 ქულა და საობლოო ჯამში, დამარცხდა. ერთადერთი, თავს იმით თუ დავიმშვიდებთ, რომ არც ვერცხლის მედალია ცუდი და მეორეც, „ბოლონიას“ რიგებში საუკეთესო ქართველი კალათბურთელი იყო. თანაგუნდელებიდან თორნიკემ ყველაზე მეტი, 13 ქულა ჩააგდო, თუმცა ჩემპიონობისთვის ეს საკმარისი არ აღმოჩნდა. შენგელია მალე საქართველოში დაბრუნდება და ეროვნულ გუნდთან ერთად, მსოფლიოს ჩემპიონატისთვის დაიწყებს მზადებას.

კვარაცხელია კიდევ ერთხელ აღიარეს


საქართველოს ნაკრებისა და „ნაპოლის“ ვარსკვლავი, ზვირა კვარაცხელია კიდევ ერთხელ აღიარეს. 11 მარტს, მის მიერ, „ატალანტას“ კარში გატანილი ბურთი სერია A-ს სეზონის საუკეთესო გოლად დასახელდა. შეგახსენებთ, რომ ზვირა მეთოქის რვა ფეხბურთელის გარემოცვაში მოახერხა ბურთის შენარჩუნება, ფინტების გაკეთება და კარში ზუსტად დარტყმა. ამ აღიარებამდე, კვარაცხელია იტალიის ჩემპიონატის სეზონის საუკეთესო ფეხბურთელად და ჩემპიონთა ლიგის საუკეთესო ახალგაზრდა ფეხბურთელად დასახელეს. ამასთან ერთად, პრაქტიკულად, ყველა ევროპულმა გამოცემამ ქართველი შემტევი სეზონის სიმბოლურ ნაკრებში შეიყვანა. რაც შეეხება კვარას მომავალს. როგორც იტალიური მედია ნერს, მისი ჯამაგირი 3 მილიონი ევრო (ბონუსების ჩათვლით) იქნება, რაც გულშემატიკურებსა და სპეციალისტებს სასაცილოდაც არ ჰყოფნით და აურელიო დე ლაურენტისის სიძუნღეზე მიანიშნებენ. ყველა აღარებს, რომ ზვირა ბევრად მეტს იმსახურებს და ამ ხელფასზე „ნაპოლიში“ ერთ სეზონზე მეტს აღარ გაატარებს. ვინ იცის, ეგებ, ლაურენტისს არც სურს, კვარა ერთ წელზე მეტხანს გააჩეროს და მის სარფიანად გაყიდვას მომავალი სეზონის ბოლოსვე შეეცადოს.



ჩანთა, რომელიც ნემსის ყუნწში ეტევა



ორიგინალური პროექტებით ცნობილი ბრენდმა – MSCHF, ამჯერად მიკროჩანთა წარადგინა, რომელიც ძალიან ჰგავს Louis Vuitton-ის ერთ-ერთ მოდელს – ONTHEGO-ს. აქსესუარი ნახევრად გამჭვირვალე პლასტმასისგან არის დამზადებული და მისი ზომები მართლაც რომ გასაოცარია – 657x222x700 მიკრომეტრია. შედარებისთვის, ეს ზღვის მარილის წვნიკზე უფრო პატარაა და ნემსის ყუნწშიც კი გაძვრება. მიკროჩანთა ბრენდმა სამგანზომილებიან პრინტირზე დაბეჭდა. ჯერჯერობით, აქსესუარის მხოლოდ ერთი ეგზემპლარი არსებობს და ის აუქციონზე გაიყიდება.



იოდის ნაკლებობა ინტელექტს აქვეითებს



ორგანიზმში იოდის დეფიციტი უამრავ მავნე შედეგს რომ იწვევს, ეს თითქმის ყველამ იცის. ამჯერად, ტასმანიის უნივერსიტეტის სპეციალისტებმა ჩაატარეს მასშტაბური კვლევა და იმ დასკვნამდე მივიდნენ, რომ იოდდეფიციტი ბავშვის ინტელექტზე მოქმედებს. კვლევების შედეგების მიხედვით, იმ პატარებს, რომელთა დედებმაც ორსულობის დროს იოდდეფიციტი აღენიშნებოდათ, უფრო უჭირთ ახალი უნარების ათვისება, სწავლა და მართლწერაშიც პრობლემები აქვთ. თუმცა, აღსანიშნავია ისიც, რომ ამავე ნივთიერების დაბალი დონე, თურმე, არ ახდენს გავლენას მათემატიკურ უნარებზე. სწავლულები აცხადებენ, რომ იოდის ნაკლებობა ნეგატიურად აისახება ემბრიონის სმენითი ორგანოების განვითარებაზე და შედეგად, ბავშვების სმენითი ოპერატიულობაზე. ამიტომაც აფრთხილებენ მედიკოსები მომავალ დედაებს, რომ მთელი ფემძიმობის პერიოდში, იოდის შემცველი საკვები პროდუქტები, თუ დანამატები და შესაბამისი პრეპარატები მიიღონ.

კაფე, სადაც სულ წვიმს



სამხრეთ კორეის დედაქალაქ სეულის ცენტრში, ცოტა ხნის წინ კაფე გაიხსნა, სადაც სულ წვიმიანი ამინდია. Rain Report-ის შენობა ისეა დაპროექტებული, რომ სახურავზე გარედან მუდმივად წყალი ჩამოდის და თავსხმა წვიმის შთაბეჭდილებას ქმნის. შენობის შიგნით დამონტაჟებულია ეკრანები, სადაც გადაუღებელ წვიმასა და ჭექა-ქუხილიან ღრუბლებს აჩვენებენ. მომხმარებელი, აქ, ერთ ფინჯან ყავასთან ერთად, შეძლებს, სავარძელში მშვიდად მჯდარმა, თვალი ადევნოს ბუნების მოვლენებს. საგულდაგულოდ მოფიქრებული კაფეტერიის მინიმალისტური დიზაინი – პანორამული ფანჯრები, მუქი ფასადები და მოხერხებული ტახტები, მინავლული შუქი და გარშემო წყლის ატმოსფერო სივრცეს კიდევ უფრო შთამბეჭდავს ხდის. Rain Report-ში კლიენტებს უნიკალურ დესერტებსა და სასმელებს სთავაზობენ, ხოლო სუფთა ჰაერზე ეფექტიანი ფოტოსესიის მსურველებს – უზარმაზარ ქოლგებს, რომ არ დასველდნენ.

ჰიმალაის მყინვარებს გაქრობა ელით



კვლევითმა ორგანიზაციამ ნეპალიდან განაცხადა, რომ ჰინდიყუშის ჰიმალაის მთები 80%-ით დაკარგავს მყინვარებს, თუკი სასათბურე აირების გამოყოფა მკვეთრად არ შემცირდება. სპეციალისტების თქმით, 2010 წლის შემდეგ, ჰიმალაიში, მყინვარები 65%-ით უფრო ჩქარა დნება, ვიდრე წინა ათწლეულებში. მათი აზრით, კლიმატური ცვლილებების გამო, ყინულის საფარის დნობა მტკნარი წყლის შემცირებას გამოიწვევს იმ ადამიანებისთვის, რომლებიც ამ მთების ქვემოთ ცხოვრობენ. მკვლევარებმა მთებში 200 ყინულის ტბა მიიჩნიეს საშიშად: ასწლეულის ბოლოს, რეგიონში მნიშვნელოვნად მოიმატებს ზვავები და წყალდიდობების რიცხვი, საფრთხე დაემუქრება 2 მილიარდამდე ადამიანს. ჰინდიყუშის მყინვარების ცვლილებები მნიშვნელოვანწილად შეუქცევადია, – აღნიშნავენ სპეციალისტები.

თირკმლიდან რეკორდულად დიდი ზომის ქვა ამოუღეს



ური-ლანკაში მცხოვრების თირკმლიდან ამოღებულმა ქვამ ორი რეკორდი დაამყარა. გინესის წიგნის საიტზე არსებული ინფორმაციით, ექიმებს დახმარებისთვის 62 წლის ყოფილმა სამხედრომ – კანისტუს კუნხემ მიმართა. გამოკვლევისას, მის მარჯვენა თირკმელში ქვა აღმოაჩინეს. პაციენტს ოპერაცია ჩაუტარდა, რომლის დროსაც ამოღებულმა ქვამ, თავისი ზომებით, გაოცება გამოიწვია. მისი პარამეტრები რეკორდული აღმოჩნდა, რადგან სიგრძე – 13.3 სანტიმეტრი, სიგანე – 10.5 სანტიმეტრი, ხოლო წონა – 800 გრამი იყო, რაც ბუისბოლის ხუთი ბურთის წონაა. ური-ლანკელის თირკმლიდან ამოღებული ქვა მსოფლიოში ყველაზე მძიმე აღმოჩნდა. ექიმები აღნიშნავენ, რომ ორგანიზმში წარმოქმნილი ქვა სიგრძეში 2 სანტიმეტრით უფრო გრძელია, ვიდრე პაციენტის თირკმელი. ამის მიუხედავად, ორგანოები ნორმალურად ფუნქციონირებდა. მსგავსი რეკორდი 2004 წელს დამყარდა. მაშინ ინდოელ პაციენტს თირკმლიდან 13-სანტიმეტრიანი წარმონაქმნი ამოუღეს.

მამის პროფესია გავლენას ახდენს ჩანასახზე



ამერიკელი მეცნიერები ირწმუნებიან, რომ მუცლად ყოფნის დროს, ბავშვის ჯანმრთელობაზე გავლენას არა მხოლოდ დედის, არამედ, მამის საქმიანობის სფეროც ახდენს. მკვლევარებმა თანდაყოლილი დეფექტის მქონე და ჯანმრთელი, ათასზე მეტი ბავშვის მამების მონაცემები შეადარეს, რის საფუძველზეც გამოვლინეს ის პროფესიები, რომლებიც საფრთხეს უქმნიან შთამომავლობას. სპეციალისტებმა რისკ-ჯგუფში შეიყვანეს მხატვრები, ფოტოგრაფები, პარკ-მახერები, ფიზიკოსები, სტამბის მუშები, მძღოლები, მწეები, ნავთობისა და გაზის კომპანიების, ქიმიური და კვების მრეწველობის მუშაკები. უფრო მეტიც, ზოგიერთი პროფესია პირდაპირ უკავშირდება ბავშვის ამა თუ იმ კონკრეტულ დაავადებას. მაგალითად, მეზა-ლეების შვილებს ნაწლავების დაავადებებისკენ აქვთ მიდრეკილება, მხატვრების მემკვიდრეებს გულის, მხედველობისა და სმენის დაავადებები ემუქრებათ, ფოტოგრაფებმა და მძღოლებმა კი საკუთარი შვილები, შესაძლოა, კატარაქტითა და გლაუკომით „დაასაჩუქრონ“. როგორც სწავლულები განმარტავენ, მავნე ნივთიერებებთან კონტაქტი უარყოფით გავლენას ახდენს სპერმის ხარისხზე, რაც თავის მხრივ, ნაყოფის ნორმალურ განვითარებას უშლის ხელს.

ორსულობას ნერწყვით დაადგენთ



დიდ ბრიტანეთში, ორსულობის დასადგენი ახალი ტესტი SaliStick შექმნეს. ის პირველი ტესტია მსოფლიოში, რომელიც ფენმძიმობას ნერწყვის ანალიზით განსაზღვრავს. ის იმავე პრინციპით მუშაობს, როგორც კორონავირუსის დასადგენი პერორალური ტესტები. შედეგი 10 წუთშია ცნობილი. ნერწყვის ნიმუში ხელის აპლიკატორში უნდა მოაგროვოთ და მოათავსოთ ანალიზის ბლოკში. ტრადიციულად, ორსულობის დამადასტურებელი ჰორმონის აღმოჩენა მესამე-მეოთხე კვირაზეა შესაძლებელი. ახალი ტესტის ცდებში 300-ზე მეტი სუსტი სქესის წარმომადგენელი მონაწილეობდა. მეთოდის სიზუსტე 95%-ია. ორსულობის დასადგენი ნერწყვის ტესტის ღირებულება 10 გირვანქა სტერლინგია.

შაქარი ყველაზე მავნე პროდუქტია



შაქარი მეტად ტოქსიკური პროდუქტია, რომლის მოხმარების შემცირებაც აუცილებელია, ან მისი ალტერნატივის მოძებნაა საჭირო. სპეციალისტები ვარაუდობენ, რომ ყველაზე მავნე პროდუქტების სიაში ის პირველ ადგილზე უნდა იყოს. შაქრის მუდმივი მოხმარება მიზეზია ორგანიზმში პათოლოგიური ცვლილებებისა და საშიში დაავადებების განვითარებისა. საქმე ის არის, რომ შაქარი ტოქსიკური პროდუქტია. თანაც, თავისი მოქმედებით, ეს „ტკბილეული“ გაცილებით საშიშია ტრანსცხიმებზე, რომელთა მავნელობის შესახებ ბევრმა ადამიანმა იცის. მრავალრიცხოვანი კვლევები ადასტურებენ, რომ შაქრის ჭარბი მოხმარება ისეთ დაავადებებს იწვევს, როგორც შაქრიანი დიაბეტი, გულსისხლძარღვთა, ალცჰეიმერის დაავადებები, ასევე, სხვადასხვა ანთებითი პროცესები. შაქარს ადნა-შაულებენ ასევე სიმსივნის ფართოდ გავრცელებაშიც. შაქრის სიყვარული იწვევს არტერიების დახშობას, რაც ინფარქტის მიზეზი ხდება. არ შეიძლება, არ ვთქვათ ინსულინის გამომუშავებაზეც, რომელიც ხელს უწყობს ცხიმების დაგროვებას. გარდა ამისა, შაქარს შეუძლია გამოიწვიოს უჯრედების დაზიანება და ნაადრევი დაბერების მიზეზიც გახდეს. ამის გამო, აუცილებელია ადამიანმა საგრძნობლად შეამცროს მისი მოხმარება და სასარგებლო ალტერნატივები გამოძებნოს.

შიშველი ძილი ახდუნებს?




გრძელ შენობაში ძილი ადამიანს ზედმეტი კილოგრამების მოცილებაში ეხმარება, რადგან სითბოს შესანარჩუნებლად, ორგანიზმში ნივთიერებათა ცვლის პროცესი ჩქარდება. გარდა ამისა, ასეთ გარემოში ძილი დიაბეტის განვითარებისა და სხვა მეტაბოლური დარღვევების რისკს ამცირებს. ამერიკელი სწავლულების მიერ ჩატარებული გამოკვლევებისა და დღინდა, რომ ყველა ამ დადებითი ეფექტის გამოცდა ადამიანს საკუთარ თავზე შეუძლია, თუკი ის შიშველი დაიძინებს. ადამიანმა რომ დაიძინოს, მისი სხეულის ტემპერატურა, დაახლოებით, ნახევარი გრადუსით უნდა დაეცეს. ამ დროს, ტვინი უგზავნის სიგნალს სისხლძარღვებს, ისინი კი, თავის მხრივ, ფართოვდებიან და სითბოს გამოყოფენ. დღეს უკვე ბევრია ცნობილი ყავისფერი ცხიმის შესახებ. ჩვეულებრივი ქონისგან განსხვავებით, ის კალორიების დანვაში ეხმარება. ასეთი ცხიმი ბევრი აქვთ ბავშვებს, ის მათ სხეულში სითბოს შენარჩუნებისთვის სჭირდებათ. კვლევებმა აჩვენა, რომ ასეთი ცხიმი მოზრდილებსაც აქვთ და ზოგიერთი სახის მოქმედება მას ააქტიურებს. ასეთ მოქმედებას შორისაა გრილი საძინებელი, ან შიშველი ძილი. გარდა ამისა, ტანსაცმლის გარეშე დაძინება დადებით გავლენას ახდენს რომანტიკულ ურთიერთობებზეც, ასეთი წყვილები უფრო ბედნიერები არიან.

წინდებს გარეცხვა არ სჭირდება



64 წლის ფერმერმა, დიდი ბრიტანეთიდან, წინდები შექმნა, რომელსაც გარეცხვა არ სჭირდება. მისი ტექნოლოგიის საიდუმლო მატყლის განსაკუთრებულ დამუშავებაშია. მასალად კი ინოვაციური ფერმერი ანგორის ჯიშის თხების მატყლს იყენებს. ამ მატყლის განსაკუთრებული თვისებები იმ ბაქტერიების დაგროვებასა და გამრავლებას უშლის ხელს, რომლებიც უსიამოვნო სუნს იწვევენ. ამ უჩვეულო პროდუქტის შექმნა ინტერნეტითაა შესაძლებელი – ერთი წყვილი ანგორის თხის მატყლისგან შექმნილი წინდა 10-დან 20 ევრომდე ღირს. როგორც სპეციალისტები ამტკიცებენ, ამ ჯიშის თხებს წელიწადში ორჯერ პარსავენ და ერთი ცხოველი დაახლოებით 2.5 კილოგრამ მატყლს იძლევა.

„ჰარი პოტერის“ პარკი გაიხსნა



ამომავალი მზის ქვეყნის დედაქალაქ ტოკიოში, ჰარი პოტერის თემატური პარკი გაიხსნა. აღსანიშნავია, რომ პარკი, სახელწოდებით – The Warner Bros. Studio Tour Tokyo – The Making of Harry Potter, „ჰარი პოტერის“ მოტივებზე შექმნილი ყველაზე დიდი დახურული ატრაქციონია. აქ წარმოდგენილია ჰოგვარტის სკოლის დეკორაციები და ტექნიკა, რომელიც დამთვალიერებელს საშუალებას მისცემს, თავი ახალგაზრდა ჯადოქარზე შექმნილი ფილმების ავტორად წარმოიდგინოს. პარკი 30 ათას კვადრატული მეტრის ფართობზეა განთავსებული. სტუმრები აქ ჰოგვორტ-ექსპრესით მგზავრობას, ქვიდრის თამაშს, ნაღების ლუდის დაგემოვნებასა და გასეირნებას შეძლებენ. პარკის ტერიტორიაზე მდებარეობს თემატური კაფეები და „ჰარი პოტერისადმი“ მიძღვნილი უდიდესი მაღაზია. პარკში შესასვლელი ბილეთი ზრდასრულისთვის, დაახლოებით, 45 დოლარი, მოზარდებისთვის – 36 დოლარი, ხოლო ბავშვებისთვის – 28 დოლარი ღირს.

პარიზში ცათამბჯენები აკრძალეს



საფრანგეთის დედაქალაქის ხელისუფლებამ პარიზის განვითარების ახალი გეგმა დაამტკიცა, რომელიც 12-სართულიანზე მეტი სიმაღლის (ანუ 37 მეტრზე მეტი) შენობების აშენებას კრძალავს. პარიზელები მიიჩნევენ, რომ ცათამბჯენები დედაქალაქის არქიტექტურულ იერსახეს ამახინჯებენ. ასეთი გადაწყვეტილება პარიზის მთავრობაში მას შემდეგ მიიღეს, რაც Tour Triangle-ს პირამიდის ფორმის კოშკის მშენებლობამ მკაცრი კრიტიკა დაიმსახურა. დისკუსიების შემდეგ, ქალაქის ხელისუფლებამ ძველი, 1977-2010 წლების კანონი აღადგინა, რომლითაც იკრძალება ცათამბჯენების მშენებლობა. ეს კანონიც Tour Montparnasse-ის 210-მეტრიანი საოფისე კოშკის აშენების შემდეგ მიიღეს.

წამლების წარმოებისთვის კოსმოსში ხომალდი გაუშვეს



ამერიკულმა ფარმაცევტულმა ფირმამ Varda, პრეპარატების წარმოებისთვის, კოსმოსში პირველი თანამგზავრი გაუშვა. ეს საშუალებას მისცემთ, სამკურნალო ნივთიერებები ნულოვანი გრავიტაციის პირობებში დატესტონ. კოსმოსური აპარატი ორბიტაზე, კომპანია SpaceX-ის რაკეტა Falcon 9-მ გაიყვანა. თანამგზავრი ათასი კილომეტრის სიმაღლეზე ერთი თვის განმავლობაში დარჩება და შემდეგ დედამიწაზე დაბრუნდება. ხომალდი დატესტავს აივ-ინფექციის საწინააღმდეგო პრეპარატებს. მკვლევარები ამბობენ, რომ კოსმოსში შესაძლებელია იმ ნივთიერებების მიღება, რომელთა შექმნაც დედამიწაზე ძალზე რთულია, გრავიტაციის გამო. პლანეტის მიზიდულობის ძალის გარეშე, სითხეში ნაწილაკები დაცულია წარმონაქმნებისგან, ეს კი ზრდის პრეპარატების ვადიანობას და აუმჯობესებს ორგანიზმის მიერ წამლის ათვისებას. თუკი კოსმოსური ცდები წარმატებული აღმოჩნდება, წლის ბოლოს, Varda კიდევ ერთ აპარატს გაუშვებს.

ხელით წერა მეხსიერებას ავითარებს



სწავლულებმა ნორვეგიის მეცნიერებისა და ტექნოლოგიების ინსტიტუტიდან აღმოაჩინეს, რომ ხელით წერისას, ბავშვის მეხსიერება უფრო მეტად ვითარდება, ვიდრე კლავიატურაზე ტექსტის აკრეფის დროს. კვლევაში 20 ბავშვი და ახალგაზრდა მონაწილეობდა. მათი ტვინის აქტივობას თავზე სპეციალური ჩაფხუტის მეშვეობით აკვირდებოდნენ. 45 წუთის განმავლობაში, მათი ერთი ნაწილი ტექსტს კლავიატურაზე აწყობდა, დანარჩენები კი ხელით წერდნენ. აღმოჩნდა, რომ სწორედ ხელით წერისას წარმოიქმნება ტვინში ის აქტივობები, რაც მოგონებების ფორმირებისა და შენარჩუნებისთვისაა საჭირო. სწავლულები იმ დასკვნამდე მივიდნენ, რომ ბავშვებს მეტი ინფორმაცია ამახსოვრდებათ, თუ მას ხელით დაწერენ. ამასთან, ტვინი ინტენსიურად იტივრთება, რის შედეგადაც ის ვითარდება.

საცხოვრებლად საუკეთესო ქალაქი ვენაა



პოპულარულმა გამოცემამ The Economist-მა, საცხოვრებლად საუკეთესო ქალაქად, უკვე მეორედ, ავსტრიის დედაქალაქი დაასახელა. ყოველწლიური რეიტინგის შედეგებისას, ავტორების თქმით, ქალაქები 30 მაჩვენებლის მიხედვით შეფასდა. მათ შორის ისეთი კატეგორიებით, როგორებიცაა სტაბილურობა, მედიცინა, კულტურა, ეკოლოგია, ტრანსპორტის ხელმისაწვდომობა და სხვა. საცხოვრებლად ყველაზე კარგი ქალაქების ტოპ-ათეულში, ვენის გარდა, შევიდნენ კოპენჰაგენი, მელბურნი, სიდნეი, ვანკუვერი, ციურიხი, კალგარი, ჟენევა, ტორონტო, ოსაკა და ოკლენდი. რეიტინგის ბოლო საფეხურებზე აღმოჩნდნენ – Harare (ზიმბაბვეს დედაქალაქი), კიევი (გასაგები მიზეზის გამო) და დუალა (კამერუნის უდიდესი ქალაქი).

ნიორი მდგრად ბაქტერიებს ებრძვის



ჩვეულებრივი ნიორი ისეთ ნაერთებს შეიცავს, რომელიც ყველაზე მდგრად ბაქტერიებს ანეიტრალებს და მათი კავშირის სისტემა მწყობრიდან გამოჰყავს, – აცხადებენ დანიელი სწავლულები. მათი თქმით, აჯოენის ნაერთი ბაქტერიებს არ აძლევს საშუალებას, გამოეყონ ტოქსინი რამნოლიპიდი, რომელიც სისხლის თეთრ უჯრედებს ანადგურებს. ეს უჯრედები ორგანიზმს ინფექციებისგან იცავს. როცა პათოგენები ერთად გროვდებიან და მდგრად ფენას – ბიოფირფიტას ქმნიან ორგანული მასალისგან, ეს ბაქტერიები მეტად მდგრადები ხდებიან ანტიბიოტიკების მიმართ. სპეციალისტებმა გადამწვითეს, გამოეკვლიათ ბაქტერია Pseudomonas Aeruginosa, რომელიც პაციენტებში, ფეხებზე ქრონიკულ წყლულებსა და ფილტვების პრობლემებს იწვევდა. როცა ამ ბაქტერიის ბიოფირფიტა დაამუშავეს ანტიბიოტიკებით, ისინი მცირე ეფექტს იძლეოდნენ. მაგრამ ნიორის შემადგენელი აჯოენის დამატება სავსებით ცვლიდა სურათს – ბაქტერიების 90% კვდებოდა. უნდა აღინიშნოს, რომ ნიორში, სამწუხაროდ, ცოტა აჯოენია. ეფექტის მისაღებად ადამიანმა, დაახლოებით, 50 თავი ნიორი უნდა მიირთვას.

მკურნალობის უჩვეულო ხალხური მეთოდები



ბევრი ჩვენგანი, როგორც კი თავს გაციების პირველ ნიშნებს შეატყობს, ცდილობს, ცხელი ჩაი მიირთვას ლიმნით, თაფლით, ან ჟოლოთი, ყელში სოდიანი წყალი გამოივლოს, ან მკურნალობის სხვა ხალხურ მეთოდებს მიმართოს. მსოფლიოს პრაქტიკულად ყველა ქვეყანაში, სხვადასხვა დაავადებებთან ბრძოლის საკუთარი, ხალხური მეთოდები არსებობს. რამდენიმე მათგანს ჩვენც გავცნოთ.

ელექტროშოკი თავის ტკივილის წინააღმდეგ – ძველ ბერძნებს სჯეროდათ, რომ თავის ტკივილის დაამება ელექტრული შოკით შეიძლება, რომელსაც გველთევზასგან იღებდნენ. სხვათა შორის, თევზებს, რომელთაც შეუძლიათ ძაბვის გამომუშავება, არა მხოლოდ საბერძნეთის, არამედ, ბევრი ქვეყნის მედიცინაში იყენებდნენ. ასე, ეგვიპტელები ელექტრული გველთევზების წყალობით, რევმატიზმსა და ციებ-ცხელებას მკურნალებდნენ.

ხახვი მაღალი ტემპერატურის დროს – კანადელებს მიაჩნიათ, რომ სხეულის მაღალ ტემპერატურას მალე დააგდებთ, თუკი ავადმყოფს ქუსლებზე უმ ხახვს დააგდებთ.

ყურის გოგირდი ჰერპესისთვის – ამერიკელები გვთავაზობენ, დღეს ფართოდ გავრცელებული ჰერპესის დროს, თავს ყურიდან გამოღებულ გოგირდით ვუმკურნალოთ. საამისოდ საჭიროა, რაც შეიძლება ხშირად წაუსვათ ჰერპესის ბუმტუკებს ეს გოგირდი.

ობობა მაღარი წინააღმდეგ – მიუხედავად იმისა, რომ მაღარია უფრო ხშირად ტროპიკულ ქვეყნებში გვხვდება, ვიდრე ევროპაში, ამ დაავადებისგან განკურნების ყველაზე საინტერესო საშუალება ნისლიან ალბიონზე იცინა. ბრიტანეთის მცხოვრებლები ადრე დარწმუნებულები იყვნენ, რომ მაღარიის დროს, ავადმყოფს აბივით დაპრესილი... ობობას ქსელი შველის. საბოლოო გამოჯანმრთელებისთვის კი პაციენტმა თავად ობობაც უნდა მიირთვას, სასურველია, რომ მწერი ცოცხალი გადაყლაპოს.

ბალი რეკორდულ ფასად გაყიდეს

იაპონიის ქალაქ ჰატინოჰეში გამართულ აუქციონზე, ერთი შეფუთვა ბალი, რომელშიც სულ 15 ცალი ხილი იდო, 500 ათას იენად (3.5 ათას დოლარზე მეტად) გაიყიდა. ეს რეკორდული თანხა მსგავსი ვაჭრობების ისტორიაში. ბალის ჯიბი ელიტურია და მას „აომორი ჰარბიტი“ ეწოდება. ასეთ ბალს მისთვის დამახასიათებელი გულის ფორმა აქვს და დიდი ზომითაც გამოირჩევა. ასეთი ნაყოფი მომხმარებელში პოპულარობით სარგებლობს და მასზე დიდი მოთხოვნაა. ბლის ეს ჯიბი აომორის კვლევიით ცენტრის თანამშრომლებმა გამოიყვანეს. ხილს, ძირითადად, ელიტური საჩუქრის რანგში ყიდულობენ.

ყავა ბლევაროსპაზმისგან იცავს

ყავის მოყვარულებს ნაკლებად ეშუქრებათ თვალის ისეთი დაავადების განვითარება, როგორც ბლევაროსპაზმია, – მიიჩნევენ იტალიელი სპეციალისტები. მათი მონაცემებით, ყავის დამცველი ეფექტი ყოველდღიურად ერთი ფინჯანი ამ მაცოცხლებელი სასმელის მიღებით მიიღწევა. ბლევაროსპაზმი – დისტონიის სახელით ცნობილი ნევროლოგიური დაავადების ერთ-ერთ ფორმას წარმოადგენს. დაავადებას თვალის ორმხრივი მოჭუტვა ახასიათებს, რაც თვალის წრიული კუნთის შემცირებითაა გამოწვეული. დაავადების საწყის სტადიაში, ადამიანს თვალის ხშირი ხამხამი და გაღიზიანება აწუხებს. შემდეგში სპაზმები უფრო ძლიერი და ხანგრძლივი ხდება, რაც ზიანს აყენებს ადამიანის ყოველდღიურ ცხოვრებას: პაციენტს არ შეუძლია კითხვა, ტელევიზორის ყურება, ქუჩაზე გადასვლა... როგორც ცნობილია, ბლევაროსპაზმი უფრო ხშირად 50 წელს გადაცილებულ ქალბატონებში გვხვდება.



გამოკვლევაში, რომელიც ბარის უნივერსიტეტის მეცნიერებმა ჩაატარეს, ბლევაროსპაზმით დაავადებული პაციენტები, მათი ახლობლები და სხვა ნევროლოგიური დარღვევების მქონე, სულ 166 ადამიანი მონაწილეობდნენ. ნევროლოგები შეეცადნენ, დაავადების განვითარებასა და მიმდინარეობაზე ისეთი ჩვენების გავლენა შეემოწმებინათ, როგორცაა მოწვევა და ყავის მოხმარება. აღმოჩნდა, რომ ის ადამიანები, ვინც ამ „ღვთიურ სასმელს“ რეგულარულად მიირთმევდნენ, ნაკლებად იტანჯებოდნენ თვალის ამ დაავადებით, თანაც ყავის დამცავი მოქმედება სასმელის დოზის გაზრდით უფრო მატულობდა. მიღებული ყავის მოცულობა გავლენას ახდენდა იმაზეც, რა ასაკში განვითარდებოდა ბლევაროსპაზმი. გაირკვა, რომ დღეში ყოველი ზედმეტი ფინჯანი ყავა დაავადების განვითარებას 1.7 წლით აფერხებდა. მეცნიერებმა ისიც დაადგინეს, რომ მოწვევა არანაირ ზეგავლენას არ ახდენდა ამ ნევროლოგიურ დარღვევაზე.

სწავლულთა თქმით, უნდა ვივარაუდოთ, რომ ყავის დამცავი ეფექტი კოფეინითაა განპირობებული, რადგან ეს ნივთიერება ტვინის იმ რეცეპტორების ბლოკირებას ახდენს, რომლებიც ტრემორის (კანკალი, ცახცახი) განვითარებაზე არიან პასუხისმგებელი.

ტუალეტში სიარულისთვის სამსახურიდან გაუშვეს



ერთ-ერთმა ჩინურმა კომპანიამ სამსახურიდან გაათავისუფლა თანამშრომელი, რომელიც სამუშაო საათებში, დღეში 6 საათს ტუალეტში ატარებდა. გათავისუფლებული მამაკაცი აცხადებს, რომ ჯანმრთელობის პრობლემები აქვს. მისი თქმით, გადატანილი ოპერაციის შემდეგ, ის იძულებულია, ხშირად გავიდეს საპირფარეოში. თუმცა, ხელმძღვანელობას არ მოსწონდა, რომ ის დღეში 20-ჯერ მაინც ტოვებდა სამუშაო ადგილს. საბოლოოდ, ის გაათავისუფლეს და მიზეზად პერსონალისთვის დადგენილი ინსტრუქციები მოიყვანეს, რაც დაგვიანებას, ადრე წასვლასა და სამსახურის გაცდენას უკავშირდება. თუმცა, მამაკაცი უფროსობის გადანყვევტილებას არ დაეთანხმა და სასამართლოში საჩივარი შეიტანა სამსახურში აღდგენაზე. თემიდან კი დაადგინა, რომ თანამშრომლის ყოფნა ტუალეტში არ შეესაბამებოდა „გონივრულ და ნორმალურ ფიზიოლოგიურ მოთხოვნილებებს“ და მისი სარჩელი არ დააკმაყოფილა.

ვერსია
მისამართი: ქ.თბილისი, სანკტ-პეტერბურგის ქ. 7.
UDC(უაპ)070.48.32(479.22)3-387

დამფუძნებელი და მთავარი რედაქტორი
მაია ფურცელაძე (599) 62-88-77
დიზაინერი – გიორგი ლომსაძე
e-mail: versiaprinti@yahoo.com www.versia.ge
ტელ: +995 32 294 23 99

ISSN 1987-8699
9 771987 1869003

დაცულია საავტორო უფლებები.
რედაქციაში შემოსული
მასალები უკან არ ბრუნდება.
სტატიაში მოყვანილ ფაქტებსა
და ინფორმაციის სიზუსტეზე
პასუხს აგებს ავტორი. პრეტენზიის
შემთხვევაში დაგვიკავშირდით
14 დღის განმავლობაში.